



歷代名賢列女氏姓譜卷之一百三十八

湘鄉

蕭智漢雲澤氏纂輯

男秉信明浦氏校

入聲 十藥

藥氏

望出河內

歷代名賢

漢

藥崧河內人天性朴忠家貧為郎嘗獨直臺上無以梳梳食糟糠帝每夜入臺輒見崧問其故甚嘉之自此詔太官賜尚書以下朝夕餐給帷被皂袍及侍史二人崧官至南陽太守

唐

氏姓譜

卷三十八

十藥 藥氏

藥山師字惟儼唐朗州刺史李翱謁藥山問如何是道師以手指上下曰會麼翱曰不會師曰雲在天水在瓶翱遂贈以詩曰煉得身形似鶴形千株松下兩函經我來問道無餘說雲在青天水在瓶

唐

藥彥稠沙陀三部落人也初為騎將唐明宗即位并澄州刺史從王晏球破王都定州遷侍衛步軍都虞候領壽州節度使安重誨矯詔遣河中指揮使楊彥溫逐其節度使璐王從珂以彥稠為招討使明宗疑彥溫有所說戒彥稠得彥溫母殺將訊之彥稠希重誨旨殺彥溫以滅口明宗大怒然不之罪也長興中為靜難軍節度使黨項阿理屈悉保等族抄掠方渠邀殺回鶻使者明宗遣彥稠與靈武康福會兵擊之阿埋等亡窟山谷明宗以謂黨項知懼可

加約束而綏撫之使者未至彥稠等自牛兒族入白魚谷盡誅其族獲其大首領連香等遣人上捷明宗謂其使者曰吾誅黨項非有所利也凡軍中所獲悉與士卒分之毋以進奉爲名重歛軍士也已而彥稠以黨項所掠回鶻進奉玉兩團及遺秦王金裝胡鞞等來獻明宗曰吾以語彥稠矣不可失信因悉以賜彥稠又逐鹽州諸戎取其所掠男女千餘人潞王從珂反彥稠爲招討副使王思同兵潰彥稠與思同俱東走爲潞王兵所得囚之華州獄已而殺之晉高祖立贈侍中

宋

藥元福晉陽人幼有膽氣善騎射晉天福中擊敗契丹以功累加至檢校太尉宋初加檢校太師卒贈侍中元福雖老筋力不衰人言其尙堪領兵必大喜時稱驍將

氏姓譜

卷百二十八

十藥 藥氏

郭氏

出自姬姓周武王封文王弟虢叔于西虢封虢仲于東虢西虢地在虞鄭之間平王東遷奪虢叔之地與鄭武公楚莊王起陸渾之師伐周賁王滅虢於是平王求虢叔裔孫序封於陽曲號曰郭公虢謂之郭聲之轉也因以爲氏後漢末大司農郭全代居陽曲生蘊蘊生準配鎮鎮謁者僕射昌平侯齊孫徙潁川華陰郭氏亦出自太原漢有郭亭亭曾孫光祿大夫廣智廣智生馮翊太守孟儒子孫自太原徙馮翊後魏有同州司馬徽徽弟進又昌樂郭氏亦出自太原後漢郭泰字林宗世居介休司徒黃瓊辟太常趙典舉有道皆不應世稱爲郭有道裔孫唐魏州昌樂唐有濟州刺史善愛又中山郭氏世居鼓城唐有郭正一相高宗生忠通事舍人

郭隗燕王噲時人王噲之亂齊既破燕昭王卑身厚幣以招賢者欲將報讐往見郭隗先生曰齊因孤國之亂而襲破燕孤極知燕小力少不足以報然得賢士與其國以雪先王之耻孤之願也敢問以國報讐者奈何隗對曰帝者與師處王者與友處霸者與臣處亡國與役處誡指而事之北面而受學則百已者至先趨而後息先問而後嘿則什已者至人趨已趨則若已者至馮几據杖眊視指使則廝役之人至若恣睢奮擊响籍叱咄則徒隸之人至矣此古服道致士之法也王誠博選國中之賢者而朝其門下天下之士必趨于燕矣王曰寡人將誰朝而可隗曰臣聞古之君人有以千金求千里馬者三年不能得涓人言于

氏姓譜

卷百三十八

十彙

郭氏

三

君曰請求之君遣之三月得千里馬馬已死買其骨五百金反以報君君大怒曰所求者生馬安事死馬而捐五百金涓人對曰死馬且買之五百金况生馬乎天下必以爲王能市馬馬今至矣期年千里之馬至者三今王誠欲致士先從隗始隗且見事况賢於隗者乎豈遠千里哉于是王爲隗築宮而師之

郭

郭解字翁伯河內軹人也溫善相人許負外孫也解父任俠孝文時誅死解爲人靜悍不飲酒少時陰賊感槩不快意所殺甚衆以軀藉友報仇賊命作姦剽攻休乃鑄錢掘冢不可勝數適有天幸窘急常得脫若遇赦及解年長更折節爲儉以德報怨厚施而薄望然其自喜爲俠益甚既已振人之命不矜其功其陰賊著于心本發于睚眦如故

云而少年慕其行亦輒爲報讐不使知也解姊子負解之勢與人飲使之嚼非其任彊灌之人怒刺殺解姊子去亡解姊怒曰以翁伯時人殺吾子賊不得棄其尸道旁弗葬欲以辱解解使人微知賊處賊窘自歸具以實告解解曰公殺之當吾兒不直遂去其賊舉其姊子收而葬之諸公聞之皆多解之義益附焉解出人皆避有一人獨箕踞視之解問其姓名客欲殺之解曰居邑屋不見敬是吾德不修也彼何辜乃陰請尉史曰是人吾所重至踐更時脫之每至直更數過吏弗求怪之問其故解使脫之箕踞者乃肉袒謝舉少年聞之愈慕解之行洛陽人有相仇者邑中賢豪居間以數十終不聽客迺見解解夜見仇家仇家曲聽解謂仇家吾聞洛陽諸公在間多不聽今予幸而聽解解奈何從它縣奪人邑賢大夫權乎迺夜去不使人知曰

氏姓譜

卷之三十八

十藥 郭氏

四

且毋庸待我去令洛陽豪居間迺聽解爲人短小恭儉出未嘗有騎不敢乘車入其縣庭之旁郡國爲人請求事事可出出之不可者各令厭其意然後迺敢嘗酒食諸公以此嚴重之爭爲用邑中少年及旁近縣豪夜半過門常十餘車請得解客舍養之及徙豪茂陵也解貧不中訾吏恐不敢不徙衛將軍爲言郭解家貧不中徙上曰解布衣權至使將軍此其家不貧解徙諸公送者出千餘萬軹人楊季主子爲縣掾高之解兄子斷楊椽頭解入關關中賢豪知與不知聞聲爭交驩邑人又殺楊季主季主家上書人又殺闕下上聞迺下吏捕解解亡置其母家室夏陽身至臨晉臨晉籍少翁素不知解因出關籍少翁已出解解傳太原所過輒告主人處吏逐迹至籍少翁少翁自殺口絕久之得解窮治所犯爲而解所殺皆在赦前軹有儒生侍

使者坐客譽郭解生曰解專以姦犯公法何謂賢解客聞之殺此生斷舌吏以責解解實不知殺者殺者亦竟莫知爲誰吏奏解無罪御史大夫公孫宏議曰解布衣爲任俠行權以睚眦殺人解不知此臯甚于解知殺之當大逆無道遂族解

郭賀字喬卿雒陽人祖父堅伯父游君並修清節不仕王莽賀能明法累官建武中爲尙書令在職六年曉習故事多所匡益拜荊州刺史引見賞賜恩寵隆異及到官有殊政百姓便之歌曰厥德仁明郭喬卿忠正朝廷上下平顯宗巡狩到南陽特見嗟嘆賜以三公之服黼黻冕旒敕行部去禮帷使百姓見其容服以章有德每所經過吏人指以相示莫不榮之永平四年徵拜河南尹以清靜稱在官三年卒詔書愍惜賜車一乘錢四十萬

氏姓譜

卷百二十八

十藥

郭氏

五

郭丹字少卿南陽穰人也父稚成帝時爲廬江太守有清名丹七歲而孤小心孝順後母哀憐之爲鬻衣裝買產業後從師長安買符入函谷關乃慨然嘆曰丹不乘使者車終不出關既至京師常爲都講諸儒咸敬重之大司馬嚴光請丹辭病不就王莽又徵之遂與諸生逃于北地更始二年三公舉丹賢能徵爲諫議大夫持節使歸南陽安集受降丹自去家十有二年果乘高車出關如其志焉更始敗諸將悉歸光武並獲封爵丹獨保平氏不下爲更始發喪哀經盡哀建武二年遂潛逃去敝衣間行涉歷險阻求謁更始妻子奉還節傳因歸鄉里太守杜詩請爲功曹丹薦鄉人長者自代而去詩乃嘆曰昔明王興化卿士讓位今功曹推賢可謂至德敕以丹事編署黃堂以爲後法十三年大司馬吳漢辟舉高第再遷并州牧有清平稱轉使

匈奴中郎將遷左馮翊永平三年代李訢爲司徒在朝廉
直公正與侯霸杜林張湛郭伋齊名相善明年坐考隴西
太守鄧融事無所據策免五年卒于家時年八十七後顯
宗因朝會問羣臣郭丹家今何如宗正劉匡對曰昔孫叔
敖相楚馬不秣粟妻子不衣帛子孫竟蒙寢邱之封丹出
典州郡入爲三公而家無遺產子孫困匱帝乃下南陽訪
求其嗣長子宇官至常山太守少子濟趙相

郭伋字細侯扶風茂陵人也高祖父解武帝時以任俠聞
父梵爲蜀郡太守伋少有志行哀平間辟大司空府三遷
爲漁陽都尉王莽時爲上谷大尹遷并州牧更始新立三
輔連被兵寇百姓震駭強宗右姓各擁衆保營莫肯先附
更始素聞伋名徵拜左馮翊使鎮撫百姓世祖卽位拜雍
州牧再轉爲尙書令數納忠諫爭建武四年出爲中山太
氏姓譜

卷百二十八

十藥

郭氏

六

守明年彭寵滅轉爲漁陽太守漁陽旣離王莽之亂重以
彭寵之敗民多猶惡寇賊充斥伋到示以信賞糾戮渠帥
盜賊銷散時匈奴數抄郡界邊境苦之伋整勒士馬設攻
守之畧匈奴畏憚遠迹不敢復入塞民得安業在職五年
戶口增倍後潁川盜賊羣起九年徵拜潁川太守名見辭
謁帝勞之曰賢能太守去帝城不遠河潤九里冀京師并
蒙福也君雖精于追捕而山道險阨自鬪當一士耳深宜
慎之伋到郡招懷山賊陽夏趙宏襄城名吳等數百人皆
束手詣伋降悉遣歸附農因自劾專命帝美其策不以咎
之後宏吳等黨與聞伋威信遠自江南或從幽冀不期俱
降絡繹不絕後帝以盧芳據北土廼調爲并州牧過京師
謝恩帝卽引見并名皇太子諸王宴語終日賞賜車馬衣
服什物伋因言選補衆職當簡天下賢俊不宜專用南陽

入帝納之。伋前在并州，素結恩德。及後入界，所到縣邑老幼相携，逢迎道路。所過問民疾苦，聘求耆德，雄俊設几杖之禮。朝夕與參政事。始至行部，到西河美稷，有童兒數百，各騎竹馬道次迎拜。伋問兒曹，何自遠來，對曰：「聞使君到，喜故來奉迎。」伋辭謝之，及事訖，諸兒復送至郭外，問使君何日當還。伋謂別駕從事計曰：「當告之行部，既還先期一日，伋爲違信于諸兒。」遂止于野亭，須期，廼入。是時朝廷多舉伋，可爲大司空。帝以并部尚有盧芳之儼，且匈奴未安，欲使久于其事，故不召。伋知盧芳風賊難卒，以力制當嚴。烽候明，購賞以結寇心。芳將隋昱謀勦芳，降。伋芳廼亡入匈奴。伋以老病上書乞骸骨。二十二年，徵爲太中大夫，賜宅一區及帷帳錢穀，以充其家。伋輒散與宗親九族無所遺餘。明年卒。時年八十六。帝親臨弔賜冢塋地。

氏姓譜

卷百三十八

十葉

郭氏

七

郭躬字仲孫，潁川陽翟人也。家世衣冠。父宏，習小杜律，太守。寇恂以宏爲決曹掾，斷獄至三十年，用法平，諸爲宏所決者，退無怨情。郡內比之東海。于公年九十五卒。躬少傳父業，講授徒衆常數百人。後爲郡吏，辟公府。永平中，奉車都護竇固出擊匈奴，騎都尉秦彭爲副。彭在別屯，而輒以法斬人。固奏彭專擅請誅之，顯宗乃引公朝。臣平其罪，利躬以明法律，召入議。議者皆然。固奏躬獨曰：「于法彭得斬之，帝曰：『軍征校尉一統于督，彭旣無斧鉞，可得專殺人乎？』躬對曰：『一統于督者，謂在部曲也。今彭專軍，別將有異于此。兵事呼吸不容先闕督帥，且漢制棨戟卽爲斧鉞，于法不合罪。帝從躬議，又有兄弟共殺人者，而罪未有所歸。帝以兄不訓弟，故報兄重，而減弟死中常侍孫章宣詔，譏言兩報重，尙書奏章矯制罪，當腰斬。帝復召躬問之，躬對

章應罰金帝曰章矯詔殺人何謂罰金躬曰法令有故誤章傳命之謬于事爲誤誤者其文則輕帝曰章與囚同縣疑其故也躬曰周道如砥其直如矢君子不逆詐君王法天刑不可以委曲生意帝曰善遷躬廷尉正坐法免後三遷元和三年拜爲廷尉躬家世掌法務在寬平及典理官決獄斷刑多依矜恕乃條諸重文可從輕者四十一事奏之事皆施行著于令章和元年赦天下擊囚在四月丙子躬上封事肅宗善之卽下詔赦焉躬奏讞法科多所生全永元六年卒官中子啞亦明法律至南陽太守政有名迹弟子鎮

郭鎮字桓鍾少修家業辟太尉府再遷延光中爲尙書及中黃門孫程誅中常侍江京等而立濟陰王鎮率羽林士

氏姓譜

卷三十八

十葉

郭氏

八

擊殺衛尉閻景以成大功再遷尙書令太傅三公奏鎮冒犯白刃手劔賊臣姦黨殄滅宗廟以寧功比劉章宜顯爵士以勵忠貞乃封鎮爲定賴侯食邑二千石拜河南尹轉廷尉免永建四年卒于家詔賜冢塋地長子賀當嗣爵讓與小弟時而逃去積數年詔大鴻臚下州郡追之賀不得已乃出受封累遷復至廷尉及賀卒順帝追思鎮功下詔賜鎮諡曰昭武侯賀曰成侯賀弟正亦以能法律至廷尉郭泰字林宗太原界休人也家世貧賤早孤母欲使給事縣廷林宗曰大丈夫焉能處斗筲之役乎遂辭就成臯屈伯彥學三年業畢博通墳籍善談論美音制乃遊於洛陽始見河南尹李膺膺大奇之遂相友善於是名震京師後歸鄉里衣冠諸儒送至河上車數千兩林宗唯與李膺同舟而濟衆賓望之以爲神仙焉司徒黃瓊辟太常趙典舉

有道或勸林宗仕進者對曰吾夜觀乾象畫察人事天之
所廢不可支也遂並不應性明知人好變訓士類身長八
尺容貌魁偉褒衣博帶周遊郡國嘗于陳梁間行遇雨巾
一角墊時人乃故折巾一角以爲林宗巾其見慕皆如此
或問汝南范滂曰郭林宗何如人滂曰隱不違親貞不絕
俗天子不得臣諸侯不得友吾不知其他後遭母憂有至
孝稱林宗雖善人倫而不爲危言叢論故宦官擅政而不
能傷也及黨事起知名之士多被其害惟林宗及汝南袁
閎得免焉遂閉門教授弟子以千數建寧元年太傅陳蕃
大將軍竇武爲閎人所害林宗哭之於野慟旣而嘆曰人
之云亡邦國殄瘁瞻烏爰止不知于誰之屋耳明年春卒
于家時年四十二四方之士千餘人皆來會葬同志者乃
共刻石立碑蔡邕爲文旣而謂涿郡盧植曰吾爲碑銘多

氏姓譜

卷百三十八

十藥

郭氏

九

矣皆有慙德唯郭有道無愧色耳其獎拔士人皆如所鑒
初泰始至南州過袁奉高不宿而去從黃叔度累日不去
或以問泰泰曰奉高之器譬之泛濫雖清而易挹叔度之
器汪汪若千頃之波澄之不清擾之不濁不可量也已而
果然泰以是名聞天下

郭憲字子橫汝南宋人也少師事東海王仲子時王莽爲
大司馬名仲子仲子欲往憲諫曰禮有來學未有往教之
義今君賤道畏貴竊所不取仲子曰王公至重不敢違之
憲曰今正臨講業且當訖事仲子從之曰晏乃往莽問君
來何遲仲子具以憲言對莽陰奇之及後篡位拜憲郎中
賜以衣服憲受衣焚之逃于東海之濱莽深忿恚討逐不
知所在光武卽位求天下有道之人乃徵憲拜博士再遷
建武七年代張堪爲光祿勳從駕南郊憲在位忽回向東

此含酒三撰執法奏爲不敬詔問其故憲對曰齊國失火故以此厭之後齊果上火災與郊同日八年車駕西征隗囂憲諫曰天下初定車駕未可以動憲乃當車拔佩刀以斷車韉帝不從遂上隴其後潁川兵起乃回駕而還帝嘆曰恨不用子橫之言時匈奴數犯塞帝患之乃各百僚廷議憲以爲天下疲敝不宜動衆諫爭不合乃伏地稱聵養不復言帝令兩郎扶下殿憲亦不拜帝曰常聞關東觥觥郭子橫竟不虛也憲遂以病辭退卒于家

郭玉廣漢雒人也初有老父不知何出常魚釣于涪水園號涪翁乞食人間見有疾者時下鍼石輒應時而效乃著鍼經診脈法傳于世弟子程高尋求積年翁乃授之高亦隱跡不仕玉少師事高學方診六微之技陰陽隱測之術和帝時爲太醫丞多有效應帝奇之仍試令嬖臣美手懸氏姓譜

卷百三十一

十藥

郭氏

十

者與女子雜處帷中使玉各診一手問所疾苦玉曰左陰右陽脈有男女狀若異人臣疑其故帝嘆息稱善玉仁愛不矜雖貧賤廝養必盡其心力而醫療貴人時或不愈帝乃令貴人羸服變處一鍼即差詔玉詰問其狀對曰醫之爲言意也腠理至微隨氣用巧鍼石之間毫芒即乖神存于心手之際可得解而不可得言也夫貴者處尊高以臨臣臣懷怖攝以承之其爲療也有四難焉自用意而不任臣一難也將身不謹二難也骨節不彊不能使藥三難也好逸惡勞四難也鍼有分寸時有破漏重以恐懼之心加以裁慎之志臣意且猶不盡何有于病哉此其所以爲不愈也帝善其對年老卒官

郭嘉字奉孝潁川陽翟人也初北見袁紹謂紹不足與謀

遂去之先是時潁川戲志才籌畫士也曹操甚器之早卒
操與荀彧書曰自志才亡後莫可與計事者汝潁固多奇
士誰可以繼之或薦嘉名見論天下事操曰使孤成大業
者必此人也嘉出亦喜表爲司空軍祭酒征呂布三戰破
之布退固守時士卒疲倦操欲引軍還嘉說操急攻之遂
禽布孫策轉鬪千里盡有江東聞操與紹相持于官渡將
渡江北襲許衆聞皆懼嘉料之曰策新并江東所誅皆葉
豪雄傑能得人死力者也然策輕而無備雖有百萬之衆
無異于獨行中原也若刺客伏起一人之敵耳以吾觀之
必死于匹夫之手策臨江未濟果爲許貢客所殺從破紹
紹死又從討譚尙於黎陽連戰數克諸將欲乘勝遂攻之
嘉曰袁紹愛此二子莫適立也有郭圖逢紀爲之謀臣必
交鬪其間還相離也急之則相持緩之則後爭心生不加

氏姓譜

卷百三十八

十藥

郭氏

十一

南向荊州若征劉表者以待其變變成而後擊之可一舉
定也操曰善乃南征軍至西平譚尙果爭冀州譚爲尙軍
所敗走保平原遣辛毘乞降操還救之遂從定鄴又從攻
譚于南皮冀州平封嘉洧陽亭侯操將征袁尙及三郡烏
丸諸下多懼劉表使先主襲許以討操嘉曰公雖威震天
下胡恃其遠必不設備因其無備卒然擊之可破滅也且
袁紹有恩于民夷而尙兄弟生存今四州之民徒以威附
德施未加舍而南征尙因烏丸之資招其死主之臣胡人
一動民夷俱應以生蹋頓之心成覲覲之計恐青冀非已
之有也表坐談客耳自知才不足以御備重任之則恐不
能制輕任之則備不爲用雖虛國遠征公無憂矣操遂行
至易嘉言曰兵貴神速今千里襲人輜重多難以趨利且
彼聞之必爲備不如留輜重輕兵兼道以出掩其不意操

乃密出盧龍塞直指單于庭虜卒聞操至惶怖合戰大破之斬蹋頓及各王已下尚及兄熙走遼東嘉深通有算畧達于事情操曰惟奉孝爲能知孤意年二十八自柳城還疾篤操問疾者交錯及薨臨其喪哀甚增邑八百戶并前千戶諡曰貞侯子奕嗣

郭淮字伯濟太原陽曲人也建安中舉孝廉除平原府丞文帝爲五官將名淮署爲門下賊曹轉爲丞相兵曹議令史從征漢中曹操還留征西將軍夏侯淵拒先主以淮爲淵司馬淵與先主戰淮時有疾不出淵遇害軍中擾擾淮收散卒推盜寇將軍張郃爲軍主諸營乃定其明日先主欲渡漢水來攻諸將議衆寡不敵先主便乘勝欲依水爲陣以拒之淮曰此示弱而不足挫敵非算也不如遠水爲陣引而致之半濟而後擊元德可破也旣陣先主疑不渡

氏姓譜

卷百三十八

十葉

郭氏

七

淮遂堅守示無還心以狀聞操善之假郃節復以淮爲司馬文帝卽王位賜魯關內侯轉爲鎮西長史又行征羌護軍護左將軍張郃冠軍將軍楊秋討山賊鄭甘盧水叛胡皆破平之關中始定民得安業黃初元年奉使賀文帝踐阼而道路得疾故計遠近爲稽留及羣臣歡會帝正色責之曰昔禹會諸侯於塗山防風後至便行大戮今溥天同慶而卿最留遲何也淮對曰臣聞五帝先教導民以德夏后政衰始用刑辟今臣遭唐虞之世是以自知免于防風之誅也帝悅之擢領雍州刺史封射陽亭侯五年爲眞安定羌大帥辟驪反討破降之每羌胡來降淮輒先使人推問其親理男女多少年歲長幼及見一二知其款曲訊問周至咸稱神明太和二年蜀相諸葛亮出祁山遣將軍馬謖至街亭高詳屯列柳城張郃擊謖淮攻詳營皆破之又

破隴西名羌唐驍于抱罕加建威將軍五年蜀出鹵城是時隴右無穀議欲闕中大運淮以威恩撫循羌胡家使出穀平其輪調軍食用足轉揚武將軍青龍二年諸葛亮出斜谷並田于蘭坑是時司馬宣王屯渭南淮策亮必爭北原宜先據之議者多謂不然淮曰若亮跨渭登原連兵北山隔絕隴道搖蕩民夷此非國之利也宣王善之淮遂屯北原塹壘未成蜀兵大至淮逆擊之後數日亮盛兵西行諸將皆謂欲攻西圍淮獨以爲此見形于西欲使官兵重應之必攻陽遂耳其夜果攻陽遂有備不得上正始元年蜀將姜維出隴西淮遂進軍追至疆中維退遂討羌迷當等按撫柔氏三千餘落拔徙以實關中遷左將軍涼州休屠胡梁元碧等率種落二千餘家附雍州淮奏請使居安定之高平爲民保鄣其後因置西川都尉轉拜前將軍領

氏姓譜

卷百二十八

十藥

郭氏

七

州如故五年夏侯元伐蜀淮督諸軍爲前鋒淮度勢不利輒拔軍出故不大敗還假淮節入年隴西南安金城西平諸羌餓何燒戈伐同蛾遮塞等相結叛亂攻圍城邑南招蜀兵涼州名胡治無戴復叛應之討蜀護軍夏侯霸督諸軍屯爲翹淮軍始到狄道議者僉謂宜先討定抱罕內平惡羌外折賊謀淮策維必來攻霸遂入泃中轉南迎霸維果攻爲翹會淮軍適至維遁退進討叛羌斬餓何燒戈降服者萬餘落九年遮塞等屯河關白土故城據河拒軍淮見形上流密于下渡兵據白土城擊大破之治無戴圍武威家屬留在西海淮進軍趣西海欲掩取其累重會無戴折還與戰于龍夷之北破走之令居惡虜在石頭山之西當大道止斷絕王使淮還過討大破之姜維出石營從疆川乃西迎治無戴留陰平太守廖化于成重山築城歛破

羌保質淮欲分兵取之諸將以維衆西接疆胡化以據險
分軍兩持兵勢轉弱進不制維退不拔化非計也不如合
而俱西及胡蜀未集絕其內外此伐交之兵也淮曰今往
取化出其不意維必很顧此維自致足以定化且使維疲
于奔命兵不遠西而胡交自離此一舉而兩全之策也乃
別遣夏侯霸等追維于沓中淮自率諸軍就攻化等維果
馳還救化皆如淮計進封都鄉侯嘉平元年遷征西將軍
都督雍涼諸軍事是歲與雍州刺史陳泰協策降蜀牙門
將句安等于超上二年進封陽曲侯邑凡二千七百八十
戶分三百戶封一子亭侯正元二年薨追贈大將軍諡曰
貞侯子統嗣

郭成富春人夙著節義乘扁舟泛五湖以書劍自娛吳黃
武中徵拜武義校尉遷黃門侍郎後封永興富春二縣侯

氏姓譜

卷百二十八

十藥 郭氏

四

郭舒字稚行幼請其母從師歲餘便歸粗識大義鄉人少
府范晔宗人武陵太守郭景威稱舒當爲後來之秀終成
國器始爲領軍校尉坐擅放司馬彪繫廷尉世多義之刺
史夏侯含辟爲西曹轉主簿含坐事舒自繫理含事得釋
刺史宗岱命爲治中喪母去職劉宏收荆州引爲治中宏
卒舒率將士推宏子璠爲主討逆賊郭勵滅之保全一州
王澄聞其名引爲別駕澄終日酣飲不以家務在意舒常
切諫之及天下大亂又勸澄修德養威保全州境澄以爲
亂自京都起非復一州所能匡禦雖不能從然重其忠亮
荆土士人宗廟嘗因酒忤澄澄怒叱左右捧厥舒厲色謂
左右曰使君過醉汝輩何敢妄動澄恚曰別駕狂邪誑言
我醉因遣指其鼻炙其眉頭舒跪而受之澄意少釋而厥

遂得免澄之奔敗也以舒領南郡澄又欲將舒東下舒曰
舒爲萬里紀綱不能匡正令使君奔亡不忍渡江乃留屯
沌口採稻湖澤以自給鄉人盜食舒牛事覺來謝舒曰卿
飢所以食牛耳餘肉可共啖之世以此服其宏量舒少與
杜曾厚曾嘗名之不往曾銜之至是澄又轉舒爲順陽太
守曾密遣兵襲舒遁逃得免王敦名爲參軍轉從事中郎
襄陽都督周訪卒敦遣舒監襄陽軍甘卓至乃還朝廷徵
舒爲右丞敦留不遣敦謀爲逆舒諫不從使守武昌荆州
別駕宗澹忌舒才能數譖之于王廙廙疑舒與甘卓同謀
密以白敦敦不受高官都護繆繆理嘗請武昌城西地爲營
太守樂凱言于敦曰百姓久買此地種菜自贍不宜奪之
敦大怒曰王處仲不來江湖當有武昌地不而人云是我
地邪凱懼不敢言舒曰公廳舒一言敦曰平子以卿病狂

氏姓譜

卷百三十八

十藥

郭氏

五

故指鼻炙眉頭舊疾復發邪舒曰古之狂也直周昌汲黯
朱雲不狂也昔堯立誹謗之木舜置敢諫之鼓然後事無
枉縱公爲勝堯舜邪乃逆折舒使不得言何與古人相遠
敦曰卿欲何言舒曰繆坦可謂小人疑誤視聽奪人私地
以強陵弱晏子稱君曰其可臣獻其否以成其可是以舒
等不敢不言郭即使還地衆咸壯之敦重舒公亮給賜轉
豐數詣其家表爲梁州刺史病卒

郭奕字大業太原陽曲人少有重名山濤稱其高簡有雅
量初爲野王令羊祜嘗過之奕嘆曰羊叔子何必減郭大
業少選復往又嘆曰羊叔子去人遠矣遂送祜出界數百
里坐此免官咸熙末爲文帝相國主簿時鍾會反於蜀荀
勗卽會之從甥少長會家勗爲文帝掾奕啓出之帝雖不
用然知其雅正武帝踐阼初建東宮以奕及鄭默並爲中

庶子遷右衛率驍騎將軍封平陵男咸寧初遷雍州刺史
膺揚將軍尋假赤幢蓋曲鼓吹奕有寡姊隨奕之官姊下
僮僕多有姦犯而爲人所糾奕省按畢曰大丈夫豈當以
老姊求名遂遣而不問時亭長李含有俊才而門寒爲豪
族所排奕用爲別駕舍後果有各位時以奕爲知人太康
中徵爲尚書奕有重名當世朝臣皆出其下時帝委任楊
駿奕表駿小器不可任以社稷帝不聽駿後果誅及奕疾
病詔賜錢二十萬日給酒米太康八年卒太常上諡爲景
郭象字子元少有才理好老莊能清言太尉王衍每云聽
象語如懸河瀉水注而不竭州郡辟名不就常閑居以文
論自娛後辟司徒掾稍至黃門侍郎東海王越引爲太傅
主簿甚見親委遂任職當權熏灼內外由是素論去之永
嘉末病卒著碑論十二篇先是註莊子者數十家莫能究

氏姓譜

卷百二十八

十藥

郭氏

十六

其旨統向秀于舊註外而爲解義妙演奇致大暢元風惟
秋水至樂二篇未竟而秀卒秀子幼其義零落然頗有別
本遷流象爲人行薄以秀義不傳于世遂竊以爲己注乃
自注秋水至樂二篇又易馬蹄一篇其餘衆篇或點定文
句而已其後秀義別本出故今有向郭二莊其義一也

郭璞字景純河東聞喜人也父瑗尚書都令吏時尚書杜
預有所增損瑗多駁正之以公方著稱終于建平太守璞
好經術博學有高才而訥于言論詞賦爲中興之冠好古
文奇字妙于陰陽算歷有郭公者客居河東精于卜筮璞
從之受業公以青囊中書九卷與之由是遂洞五行天文
卜筮之術攘災轉禍通致無方雖京房管輅不能過也璞
門人趙載嘗竊青囊書未及讀而爲火所焚惠懷之際河
北先擾璞筮之投策而嘆曰嗟乎黔黎將湮于異類桑梓

其剪爲龍荒乎於是潛結姻昵及交遊數十家欲避地東南抵將軍趙固會固所乘良馬死固惜之不接賓客璞至門吏不爲通璞曰吾能活馬吏驚入白固固趨出曰君能活吾馬乎璞曰得健夫二三十人皆持長竿東行三十里有邱林社廟者便以竿打拍當得一物宜急持歸得此馬活矣固如其言果得一物似猴持歸此物見馬死便噓吸其鼻頃之馬起奮迅嘶鳴食如常不復見向物固奇之厚加資給行至廬江太守胡孟康被丞相名爲軍諮祭酒時江淮請宴孟康安之無心南渡璞爲占曰敗康不之信璞將促裝去之愛主人婢無由而得乃取小豈三斗繞主人宅散之主人晨見赤衣人數千圍其家就視則滅甚惡之請璞爲卦璞曰君家不宜畜此婢可于東南二十里賣之慎勿爭價則此妖可除也主人從之璞陰令人賤買此婢

氏姓譜

卷三十八

十藥

郭氏

七

復爲符投于井中數千赤衣人皆反縛一一自投于井主人大悅璞攜婢去後數旬而廬江陷璞旣過江宣城太守殷祐引爲參軍時有物大如水牛灰色卑脚脚類象胸前尾上皆白大力而遲鈍來到城下衆咸異焉祐使人伏而取之令璞作卦遇遯之蠱其卦曰艮體連乾其物壯巨山潛之畜匪兇匪虎身與鬼并精見二午法當爲禽兩翼不許遂被一創還其本豎按卦名之是爲驢鼠卜適了伏者以戟刺之深尺餘遂去不復見郡綱紀上祠請殺之巫云廟神不悅曰此是郡亭驢山君鼠使詣荆山暫來過我不須觸之其精妙如此祐遷石頭督護璞復隨之時有鼯鼠出延陵璞占之曰此郡東當有妖人欲稱制者尋亦自死矣後當有妖樹生然若瑞而非瑞卒螫之木也儻有此者東南數百里必有作逆者期明年矣無錫縣歛有茱萸四

株交枝而生若連理者其年盜殺吳興太守袁琇或以問
璞璞曰卯爻發而沴金此木不曲直而成災也王導深重
之引參已軍事嘗令作卦璞言公有震厄可命駕西出數
十里得一栢樹截斷如身長置常寢處災當可消矣導從
其言數日果震栢樹粉碎時元帝初鎮建鄴導令璞筮之
遇咸之井璞曰東北郡縣有武名者當出鐸以著受命之
符西南郡縣有陽名者并當拂其後晉陵武進縣人于田
中得銅鐸五枚歷陽縣中并拂經日乃止及帝爲晉王又
使璞筮遇豫之睽璞曰會稽當出鍾以告成功上有勒銘
應在人家并泥中得之籀辭所謂先王以作樂崇德殷薦
之上帝者也及帝卽位太興初會稽剡縣人果于井中得
一鐘長七寸二分口徑四寸半上有古文奇書十八字云
會稽嶽命餘字時人莫識之璞曰蓋王者之作必有靈符

氏姓譜

卷百三十八

十藥

郭氏

六

塞天人之心與神物合契然後可以言受命矣觀五鐸啟
號于晉陵棧鐘告成于會稽瑞不失類出皆以方豈不偉
哉若夫鐸發其響鐘徵其象器以數臻事以實應天人之
際不可不察帝甚重之璞著江賦其辭甚偉爲世所稱後
復作南郊賦帝見而嘉之以爲著作佐郎于時陰陽錯繆
而刑獄繁興璞上疏優詔報之其後日有黑氣璞復上疏
詞理精詳頃之遷尙書郎數言便宜多所匡益明帝之在
東宮與溫嶠庾亮並有布衣之好璞亦以才學見重埒于
嶠亮論者美之然性輕易不修威儀嗜酒好色時或過度
著作郎于寶常誠曰此非適性之道也璞曰吾所受有本
限用之恒恐不得盡臚乃憂酒色之爲患乎璞旣好卜筮
縉紳多笑之又自以才高位卑乃著客傲永昌元年皇孫
生璞上疏曰有道之君未嘗不以危自持亂世之主未嘗

不以安自居故存而不忘亡者三代之所以興也亡而自以爲存者三季之所以廢也是以古之令主開納忠讜以弼其違標顯切直用攻其失至乃聞一善則拜見規誡則懼何者蓋不私其身處天下以至公也臣竊惟陛下符運至著勲業至大而中興之祚不隆聖敬之風未躋者殆由法令太明刑教太峻故水至清則無魚政至察則衆乖此自然之勢也臣去春啓事以囹圄充斥陰陽不和推之卦理宜因郊祀作赦以蕩滌瑕穢不然將來必有愆陽苦雨之災崩震薄蝕之變在後蠢戾之妖其後月餘日果薄闕去秋以來諸郡並有暴雨水皆洪潦歲用無年適聞吳興復欲有構妄者咎徵漸成臣甚惡之頃者以來役賦轉重獄犴日結百姓困擾甘亂者多小人愚險共相扇惑雖勢無所至然不可不虞按洪範傳君道虧則日蝕人情怨則

氏姓譜

卷百二十八

十藥

郭氏

九

水涌溢陰氣積則下代上此微理潛應已著實于事者也假令臣遂不幸謬中必貽陛下側席之憂今皇孫載育天固靈基黔首顛顛實望惠潤又歲涉午位金家所忌宜于此時崇恩布澤則火氣潛消災譴不生矣陛下上籌天意下順物情可因皇孫之慶大赦天下然後明罰勅法以肅理官克厭天心慰塞人事兆庶幸甚正祥必臻矣臣今所陳斃而省之或未允聖旨久而尋之終亮臣誠若所啟上合願陛下勿以臣身廢臣之言臣言無隱而陛下納之適所以顯君明臣直之義耳疏奏納焉卽大赦改年時暨陽人任谷因耕息于樹下忽有一人著羽衣就淫之旣而不知所在谷遂有娠積月將產羽衣人復來以刀穿其陰下出一蛇子便去谷遂成宦者後詣闕上書自云有道術帝留谷于宮中璞復上疏不納後元帝崩谷因亡走璞以母

憂去職卜葬地于暨陽去水百步許人以近水爲言璞曰當卽爲陸矣其後沙漲去墓數十里皆爲桑田未葺王敦起璞爲記室參軍是時頌川陳跡爲大將軍掾有美名爲敦所重未幾而沒璞哭之哀甚呼曰嗣祖嗣祖焉知非福未幾而敦作難時明帝卽位踰年未改號而熒惑守房璞時休歸帝乃遣使齋手詔問璞會暨陽縣復上言曰赤烏見璞乃上疏請改年肆赦璞嘗爲人葬帝微服往觀之因問主人何以葬龍角此法當滅族主人曰郭璞云此葬龍耳不出三年當致天子也帝曰出天子邪答曰能致天子問耳帝甚異之璞素與桓彝友善彝每造之或值璞在婦間便入璞曰卿來他處自可徑前但不可廁上相尋耳必主客有殃彝後因醉詣璞正逢在廁掩而觀之見璞裸身被髮銜刀設醮璞見彝撫心大驚曰吾每屬卿勿來反更

氏姓譜

卷百二十八

十藥

郭氏

干

如是非但禍吾卿亦不免矣天實爲之將以誰咎璞終嬰王敦之禍彝亦死蘇峻之難王敦之謀逆也温嶠庾亮伊璞筮之璞對不決嶠亮復令占巳之吉凶璞曰大吉嶠等退相謂曰璞對不了是不敢有言或天奪敦魄今吾等與國家共舉大事而璞云大吉是爲舉事必有成也於是勸帝討敦初璞每言殺我者山宗至是果有性崇者構璞于敦敦將舉兵又使璞筮璞曰無成敦固疑璞之勸嶠亮又問卦凶乃問璞曰卿更筮吾壽幾何答曰思向卦明公起事必禍不久若往武昌壽不可測敦大怒曰卿壽幾何曰命盡今日日中敦怒收璞詣南崗斬之璞臨出謂行刑者欲何之曰南崗頭璞曰必在雙柏樹下旣至果然復云此樹應有大鵲巢衆索之不得璞更令尋覓果于枝間得一

大鵲巢密葉蔽之初璞中興初行經越城間遇一人呼其

姓名因以袴褶遺之其人辭不受璞曰但取後自當知其
人遂受而去至是果此人行刑時年四十九及王敦平追
贈宏農太守初庾翼幼時嘗令璞筮公家及身卦成曰建
元之末邱山傾長順之初子馮零及康帝卽位將改元爲
建元或謂庾冰曰子忘郭生之言邪邱山上名此號不宜
用水撫心嘆恨及帝崩何充改元爲永和庾翼嘆曰天道
精微乃當如是長順者永和也吾庸得免乎其年翼卒冰
又令筮其後嗣卦成曰卿諸子並當盛貴然有白龍者凶
徵至矣若墓碑生金庾氏之大忌也後冰子蘊爲廣州刺
史妾房內忽有一新生白狗子莫知所由來其妾祕愛之
不令蘊知狗轉長大蘊入見狗眉眼分明又身至長而弱
異于常狗蘊甚怪之將出共視在衆人前忽失所在蘊慨
然曰始白龍乎庾氏禍至矣又墓碑生金俄而爲桓温所

氏姓譜

卷三十八

十藥

郭氏

三

滅終如其言璞之占驗皆如此類也璞撰前後筮驗六十
餘事名爲洞林又抄京費諸家要最更撰新林十篇卜韻
一篇注釋爾雅別爲音義圖譜又注三蒼方言穆天子傳
山海經及楚辭子虛上林賦數十萬言皆傳于世所作詩
賦誄頌亦數萬言丁鷲官至臨賀太守

郭澄之字仲靜太原陽曲人也少有才思機敏兼人調補
尚書郎出爲南康值盧循作逆流離僅得還都劉裕引
爲相國參軍從裕伐魏既剋長安裕意更欲西伐集寮屬
議之多不同次問之澄之不答西向誦王粲詩曰南登
霸陵岸迴首望長安裕便意定謂澄之曰當與卿共登霸
陵岸耳因還澄之位至裕相國從事中郎封南豐侯卒于
官所著文集行于世

郭琦字公偉太原首陽人也少方直有雅量博學善五行

作天文志五行傳注穀梁京氏易百卷鄉人王游等皆就
琦學武帝欲以琦爲佐著作卽問琦族人尙書郭彭彰素
疾琦答云不識琦曰若如卿言烏丸家兒能事卿卽堪爲
郎矣遂決意用之及趙王倫篡位又欲用琦琦曰我已爲
武帝吏不容復爲今世吏終身處于家

郭文宇文舉河內軹人也少愛山水尙嘉遯年十三每遊
山林彌旬忘反父母終服畢不娶辭家游名山歷華陰之
崖以觀石室之石函洛陽陷乃步檐入吳興餘杭大辟山
中窮谷無人之地倚木于樹苦覆其上而居焉亦無壁障
時猛獸爲暴入屋害人而文獨宿十餘年卒無患害恒著
鹿裘葛巾不飲酒食肉區種菽麥採竹葉木實貿鹽以自
供人或酬下價者亦卽與之後人識文不復賤酬食有餘
穀輒恤窮賈人有致遺取其麤者示不逆而已有猛獸殺

氏姓譜

卷百三十八

十藥

郭氏

三

大鹿鹿于菴側文以語人人取賣之分錢與文文曰我若
須此自當賣之所以相語正以不須故也聞者皆嗟嘆之
嘗有猛獸忽張口向文文視其口中有橫骨乃以手探去
之猛獸明且致一鹿於其室前獵者時往寄宿文夜爲擔
水而無勸色餘杭令顧颺與葛洪共造之而携與俱歸颺
以文山行或須皮衣贈以韋袴褶一具文不納辭歸山中
颺追遣使者置衣室中而去文亦無言韋衣乃至爛于戶
內竟不服用王導聞其名遣人迎之文不肯就船車荷擔
徒行旣至導置之西園園中果木成林又有鳥獸麋鹿因
以居文焉於是朝士咸共觀之文頽然蹠踞傍若無人温
嶠嘗問文曰人皆有六親相娛先生棄之何樂文曰本行
學道不謂遭世亂欲歸無路是以來也又問曰飢而思食
壯而思室自然之性先生安獨無情乎文曰思猶憶生不

憶故無情又問曰先生獨處窮山若疾病遭命則爲烏鳥所食顧不酷乎文曰藏埋者亦爲螻蟻所食復何異乎又問曰猛獸害人人之所畏而先生獨不畏邪文曰人無害獸之心則獸亦不害人又問曰苟世不寧身不得安今將用先生以濟時若何文曰山艸之人安能佐世導嘗家寶其集絲竹竝奏試使呼之文睨眸不轉跨躡華堂如行林野于時坐者咸有鉤深味遠之言文嘗稱不達來語天機鏗宏莫有闕其門者溫嶠嘗稱曰文有賢人之性而無賢人之才柳下梁躋之亞乎永昌中大疫文病亦殆王導遣藥文曰命在天不在藥也天壽長短時也居導園七年未嘗出入一旦忽求還山導不聽後逃歸臨安結廬舍于山中臨安令萬寵迎置縣中及蘇峻反破餘杭而臨安獨全人皆異之以爲知機自後不復語但舉手指麾以宣其意

氏姓譜

卷百二十八

十藥

郭氏

三

病甚求還山欲枕石安尸不令人殯葬寵不聽不食二十餘日亦不瘦寵問曰先生復可得幾日文三舉手果以十五日終寵葬之於所居之處而祭哭之葛洪庾闡竝爲作傳贊頌其美云

郭翻字長翔武昌人也伯父訥廣州刺史父察安城太守翻少有志操辭州郡辟及賢良之舉家于臨川不交世事惟以漁釣射獵爲娛居貧無業欲墾荒田先立表題經年無主然後乃作稻將熟有認之者咸推與之縣令聞而詰之以稍還翻翻遂不受嘗以車獵去家百餘里道中逢病人以車送之徒步而歸其漁獵所得或從買者便與之而不取直亦不告姓名由是士庶咸敬貴焉與翟湯俱爲庾亮所薦公車博士徵不就咸康末乘小船暫歸武昌省墳墓安西將軍庾翼以帝舅之重躬往造翻欲強起之翻曰

人性各有所短焉可彊逼翼又以其船小狹欲引就大船
翻曰使君不以鄙賤而辱臨之此固野人之舟也翼俯屈
入其船中終日而去嘗墜刀於水路人有爲取者因與之
路人取不取固辭翻曰爾向不取我豈能得路人曰我若取
此將爲天地鬼神所責矣翻知其終不受復沉刀於水中
路人張焉乃復說殺取之翻於是逆其意乃以十倍刀
價與之其廉不受惠皆此類也卒于家
郭荷字承休畧陽人也六世祖整漢安順之世公府八辟
公車五徵皆不就自整及荷世以經學致位荷明究羣集
特善史書不應州郡之命張祚遣使者以安車束帛徵爲
博士祭酒使者迫而致之及至署太子友荷上疏乞還祚
許之遣以安車蒲輪送還張掖東山年八十四卒謚曰元
德先生

氏姓譜

卷百二十八

十藥 郭氏

四

郭瑀字元瑜敦煌人也少有超俗之操東游張掖師事郭
荷盡傳其業精通經義雅辯談論多才藝善屬文荷卒瑀
以爲父生之師成之君爵之而五朋之制師不服重蓋聖
人謙也遂服斬衰廬墓三年禮畢隱於臨松薤谷鑿石窟
而居服柏實以輕身作春秋墨說孝經錯緯弟子著錄千
餘人張天錫遣使者孟公明持節以蒲輪元纁備禮徵之
公明至山瑀指翔鴻以示之曰此鳥也安可籠哉遂深逃
絕迹公明拘其門人瑀嘆曰吾逃祿非避罪也豈得隱居
行義害及門人乃出而就徵及至茹臧值天錫母卒瑀括
髮入弔三踊而出還于南山及天錫滅符堅又以安車徵
瑀定禮儀會父喪而止太守辛章遣書生三百人就受業
焉及符氏之末畧陽王穆起兵酒泉以應張大豫遣使招
瑀瑀嘆曰臨河救溺不下命之短長脉病三年不豫絕其

澹饋魯連在趙義不結舌况人將左袵而不救之乃與敦煌索赧起兵五千運粟三萬石東應王穆穆以瑀爲太府左長史軍師將軍雖居元佐而口詠黃老冀功成世定追伯成之蹤穆惑于讒間西伐索赧瑀諫曰浩漢定天下然後誅功臣今事業未建而誅之立見麋鹿於此庭矣穆不從瑀出城大哭舉手謝城曰吾不復見汝矣還而引被覆面不與人言不食七日輿疾而歸旦夕祈死夜夢乘青龍上天至屋而止寤而嘆曰龍飛在天今止于屋屋之爲字尸下至也龍飛至尸吾其死也古之君子不卒內寢况

吾正士乎遂還酒泉南山赤崖閣飲氣而卒

郭磨西平人也少明式易仕郡主簿張天錫末年苻氏每有西伐之間太守趙凝使磨筮之磨曰若郡內二月十五日失囚者東軍當至涼祚必終凝乃申納屬縣至十五日

氏姓譜

卷百三十八

十藥

郭氏

五

鮮卑折掘送馬于凝凝怒其非駿幽之內廐鮮卑懼而夜遁凝以告磨磨曰是也國家將亡不可復振苻堅未當陽門震刺史梁熙問磨曰其祥安在磨曰爲四夷之事也當有外國二王來朝主上一當反國一死此城歲餘而鄴善及前部王朝于苻堅西歸鄴善王死于姑臧呂光之王河西也西海大守王植叛磨勸光襲之光之左丞呂寶曰千里襲人自昔所難况王者之師天下所聞何可僥倖以邀成功磨不可從誤人大事磨曰若其不捷磨自伏鉄鉞之誅如其剋也左丞爲無謀矣光從而剋之光比之京管常叅帷幄密謀光將伐乞伏乾歸磨諫曰今太白未出不宜行師往必無功終當覆敗太史令賈曜以爲必有秦隴之地及剋金城光使曜詰磨磨密謂光曰昨有流星東墜當有伏尸死將雖得此城憂在不守正月上旬河水將解若

不早渡恐有大變後二日而敗問至光引軍渡河訖水泮
時人服其神驗光以磨爲散騎常侍太常磨後以光年老
知其將敗遂與光僕射王祥起兵作亂百姓聞磨起兵咸
以聖人起事事無不成故相率從之如不及磨以爲代呂
者王乃推王乞基而主後呂隆降姚興興以王尙爲涼州
刺史終如磨言磨之與光相持也逃人稱呂統病死磨曰涼
未也光統之命盡在一時後統死三日而光死磨嘗曰涼
州謙光殿後當有索頭鮮卑居之終於禿髮傳檀沮渠蒙
遜迭據姑臧磨性褊酷不爲士庶所附戰敗奔乞伏乾歸
乾歸敗入姚興磨以滅姚者晉遂將妻子南奔爲追兵所
殺也

郭世道會稽永興人也生而失母父更娶世道事父及後
氏姓譜 卷百三十八 十葉 郭氏 六

母孝道淳備年十四又喪父居喪過禮殆不勝喪家貧無
產業備力以養繼母婦生一男夫妻共議曰勤身供養力
猶不足若養此兒則所費者大乃垂泣瘞之母亡負土成
墳親戚或共賻助微有所受葬畢備賃倍還先直服除後
哀感思慕終身如喪者以爲追遠之思無時去心故未嘗
釋衣帽仁厚之風行於鄉黨隣村大小莫有呼其名者嘗
與人共于山陰市貨物誤得一千錢當時不覺分背方悟
請其伴求以此錢追還本主伴大笑不答世道以已錢充
數送還之錢主驚嘆以半直與世道世道委之而去宋元
嘉四年遣大使巡行天下散騎常侍袁愉表其淳行宋文
帝嘉之敕郡榜表閭門蠲其稅調改所居獨楓里爲孝行
焉太守孟顓察孝廉不就

郭原平字長泰世道子也又稟至行養親必已力備賃以

給供養性甚巧每爲人作匠取散夫價主人設食原平自
以家貧父母不辦有肴味唯餐鹽飯而已若家或無食則
虛中竟日義不獨飽須日暮作畢受直歸家于里中買糶
然後舉爨父篤疾彌年原平衣不解帶口不嘗鹽菜者踣
積寒暑又未嘗睡臥父亡哭踊絕數日方蘇以爲奉終
之義情禮自畢坐壙凶功不欲假人水雖智巧而不解作
墓乃訪邑中有營墓者助人運力經時展勤久乃閑練又
自賣十夫以供衆費窵突之事儉而當禮性無術學因心
自然葬畢詣所買主執役無懈與諸奴分務每讓逸取勞
主人不忍使每遣之原平服勤未嘗暫替傭賃養母有餘
衆以自贖既學構家尤善其事每至吉歲求者盈門原平
所赴必自貧始既取賤價又以夫日助之及父喪終自起
兩間小屋以爲祠堂每至節歲常于此數日中哀思絕飲

氏姓譜

卷百二十八

十藥

郭氏

七

粥父服除後不復食肉高陽許瑤之罷建安郡丞還家以
縣一斤遺之不受瑤之乃自往曰今歲過寒而建安縣好
以此奉尊上下耳原平乃拜而受之及母終毀瘠彌甚僅
乃免喪墓前有數十畝田不屬原平每至農月耕者恒裸
袒原平不欲使人慢其墳墓乃買家貲貴買此田三農之
月輒束帶垂泣躬自耕墾每出市賣物裁求半價邑人皆
共識悉輒加本價與之彼此相讓要使微賤然後取直宅
上種竹夜有盜其筍者原平偶起見之盜者奔走墜溝原
平乃於所植竹處溝上立小橋令通行又採筍置籬外鄰
曲慙愧無復取者宋文帝崩原平號慟日食麥料一枚如
此五日人曰誰非王民何獨如此原平泣而答曰吾家見
異先朝蒙褒贊之賞不能報恩私心感慟耳又以種瓜爲
業大明七年大旱瓜漬不復通船縣官劉僧秀愍其窮老

下瀆水與之原乎曰普天大旱百姓俱困豈可減漕田之
水以通運仄之船乃步從他道往錢塘貨賣每行來見人
牽球未過輒迅楫助之已自引船不假旁力若自船已渡
後人未及常停住須待以此爲常嘗于縣南郭鳳球助人
引船遇有鬪者爲吏所錄鬪者逃散唯原平獨住吏執以
送縣縣令新到未相諳悉將加嚴罰原平解衣就罪義無
一言左右小大成稽顙請救然後得免由來不謁官長自
此乃始修敬太守蔡興宗臨郡深加貴異以私米饋原平
原平固辭不受會稽郡貴重望計及望孝盛族出身不減
秘著明帝泰始七年興宗欲舉山陰孔仲智子爲望計原
平次息爲望孝仲智會土高門原平一邦至行欲以相敵
會明帝別敕用人故二選並寢興宗徵還京師舉爲太學
博士會興宗薨事不行卒于家三子一弟並有名聲長子

氏姓譜

卷百二十八

十藥

郭氏

二六

伯林舉孝廉次子靈馥儒林祭酒皆不就

郭希林武昌人也曾祖翻晉世高尙不仕希林少守家業
徵州主簿秀才衛參軍並不就元嘉初吏部尙書王敬宏
舉爲著作佐郎後又徵員外散騎侍郎並不就十年卒時
年四十七子蒙亦隱居不仕泰始中郢州刺史蔡興宗辟
爲主簿不就

郭祖深襄陽人也梁武帝初起以客從後隨蔡道恭在司
州陷北還上書言境上事不見用選爲長兼南梁郡丞徙
後軍行參軍帝溺情內雜朝政縱弛祖深輿轍詣闕上封
事帝雖不能悉用然嘉其正直擢爲豫章鍾陵令員外散
騎常侍普通七年改南州津爲南津校尉以祖深爲之加
雲騎將軍秩二千石使募部曲二千及至南州公嚴清刻
由來王侯勢家出入津不忌憲網俠藏亡命祖深搜檢姦

惡不避強禦動致刑辟秦江州刺史邵陵王太子詹事周
捨賊罪遠近側足莫敢縱恣淮南太守畏之如上府常服
故布襦素木案食不過一肉有姥餉一早青瓜祖深報以
疋帛後富人效之以貨鞭而徇衆朝野憚之絕於干請所
領皆精兵令行禁止有所討逐越境追禽江中嘗有賊祖
深自率討之列陣未敢進仍令所親人先登不時進斬之
遂大破賊威振遠近長江肅清

郭瑛字神寶京槃人也少喪父事母以孝聞孝武帝之居
藩瑛以通俠被知及卽位封新豐縣公除洛州刺史孝
武西入改封馮翊郡公授行臺尚書潼關大都督大統中
齊神武遣大都督竇泰襲恒農時瑛爲行臺軍少戰敗乃
奔洛州至刺史泉企城守力窮城將陷乃仰天哭曰天乎
天乎何由縱此長蛇而不助順也言發涕流不能自止丘

氏姓譜

卷百三十八

十藥

郭氏

二九

士見之咸自厲憤竟爲東魏將高敖曹所禽復謂敖曹曰
天子之臣乃爲賊所執敖曹素聞其名義不殺之送于并
州見齊神武言色不屈見害

郭祚字季祐太原晉陽人魏車騎郭淮弟亮後也祖逸本
州別駕前後以二女妻司徒崔浩一女妻浩弟上黨太守
恬魏太武時浩親寵用事壽逸徐州刺史假榆次侯終贈
光祿大夫父洪之坐浩事誅祚亡竄得免少孤貧姿貌不
偉鄉人莫之識有女巫相祚後當富貴祚涉歷經史習崔
浩之書尺牘文章見稱于世弱寇爲州主簿刺史孫小委
之書記又太原太守王希彥逸妻之姪也其相賙恤乃振
孝文初舉秀才對策上第拜中書博士轉中書侍郎遷尚
書左丞長兼給事黃門侍郎祚清勤在公夙夜匪懈帝甚
知賞之從南征及還正黃門車駕幸長安行經渭橋過鄠

淮廟問祚曰是卿祖宗所承邪祚曰是臣七世伯祖帝曰
先賢後哲顧在一門祚對曰昔臣先人以通儒英博唯事
魏文徵臣虛薄遭奉明聖自唯幸甚因勅以太牢祭淮廟
令祚自撰祭文以贊遷洛之規賜爵東光子孝文曾幸華
林園因觀故景陽山祚曰山以仁靜水以智流願陛下修
之帝曰魏明以奢失于前朕何爲襲之于後祚曰高山仰
止帝曰得非景行之謂遷散騎常侍仍領黃門是時孝文
銳意典禮兼銓鏡九流又遷都草創征討不息內外規畧
號爲多事祚與黃門宋弁參謀帷幄隨其才用各有委寄
祚承稟注疏特成勤劇嘗以立馮昭儀百官夕飲清徽後
園孝文舉觴賜祚及崔光曰郭祚憂勞庶事獨不欺我崔
光溫良博物朝之儒秀不勸此兩人當勸誰也其見知若
此初孝文以李彪爲散騎常侍祚因入見帝謂祚曰朕昨

氏姓譜

卷百二十八

十藥

郭氏

三十

誤授一人官祚對曰才授職豈容聖詔一行而有差異帝
沉吟曰此自應有讓因讓朕欲別授一官須臾彪有啓云
伯石辭卿子產所惡臣欲之已久不敢辭讓帝嘆謂祚曰
卿之忠諫李彪正辭使朕遲回不能復決遂不換彪官也
乘輿南討祚以兼侍中從拜尚書進爵爲伯孝文崩咸陽
王禧等奏祚兼吏部尚書并州天中正宣武詔以姦吏逃
刑配遠戍若永避不出兄弟代之祚奏曰若以姦吏逃竄
徙其兄弟罪人妻子復應徙之此則一人之罪禍傾二室
愚謂罪人既逃止徙妻子走者之身懸名永配于肯不免
姦途自塞詔從之尋正吏部祚持身潔清重惜官位至于
銓授假令得人必徘徊久之然後下筆下筆卽云此人便
已貴矣由是事頗稽滯當時每招怨讟然所拔用者皆量
才稱職時又以此歸之出爲使持節鎮北將軍瀛州刺史

及太極殿成祚朝于京師轉鎮東將軍青州刺史祚值歲
不稔闔境飢弊矜傷愛下多所賑恤雖斷決淹留號爲煩
緩然士女懷其德澤入爲侍中金紫光祿大夫并州大中
正遷尙書右僕射時議定新令詔祚與侍中黃門參議刊
正詔祚本官領太子少師祚曾從幸東宮明帝幼弱祚懷
一黃軀出奉之時應詔左右趙桃弓與御史中尉王顯送
相脣齒深爲帝所信祚私事之時人謗祚者號爲桃弓僕
射黃軀少師尋加散騎常侍時詔營明堂國學祚奏曰今
雲羅西舉開納岷蜀戎旗東指鎮靖淮荆漢沔之間復須
防捍徵兵發衆所在殷廣邊郊多壘烽驛未息不可于師
旅之際興版築之功且獻歲云暨東作將始臣愚量謂宜
待豐靖之年因子來之力可不時而就從之宣武末年每
引祚入東宮密受賞賚多至百餘萬雜以錦繡又特賜以

氏姓譜

卷百二十八

十葉

郭氏

三

劔杖恩寵甚深遷左僕射先是梁將康絢遏淮將淮揚徐
祚表曰蕭衍狂悖擅斷川瀆役苦民勞危亡已兆宜勅揚
州選一猛將遣當州之兵令赴浮山表裏夾攻朝議從之
除使持節散騎常侍都督雍州刺史征西將軍太和以前
朝法尤峻貴臣蹉跌便致誅夷李冲之用事也欽祚識幹
薦爲左丞又兼黃門意便滿足每以孤門往經崔氏之禍
常慮危亡苦自陳挹辭色懇然發于誠至冲謂之曰人生
有運非可避也但當明白當官何所顧畏自是積二十餘
年位秩隆重而進趨之心更復不息又以東宮師傅之資
列辭尙書志在封侯儀同之位尙書令任城王澄爲之奏
聞及爲征西雍州雖喜外撫尙以府號不優心望加大執
政者頗怪之于時領軍于忠恃寵驕恣崔光之徒曲躬承
奉祚心惡之乃遣子太尉從事中郎景尙說高陽王雍令

出忠爲州忠聞而大怒矯詔殺祚時年六十七祚達于政
事凡所經履咸爲稱職每有斷決多爲故事名器旣重時
望亦深一朝非罪見害遠近莫不惋惜靈太后臨朝遣使
弔慰追復伯爵正光中贈使持節車騎將軍儀同三司雍
州刺史諡文貞公

郭文恭太原平遙人也仕爲太平縣令年踰七十父母喪
亡文恭孝慕罔極居祖父墓次晨夕拜跪跣足負土培植
祖父二墓寒暑竭力積年不已見者莫不哀嘆尙書闈奏
標其門閭

郭彥太原陽曲人也其先從宦闕右遂居馮翊父循靈武
令彥少知名周文帝臨雍州辟爲西曹書佐累遷虞部郎
中大統十二年初選當州首望統領鄉兵除帥都督以居
郎官著稱封龍門縣子進大都督魏恭恭帝元年除兵部尙

氏姓譜

卷百三十八

十藥

郭氏

三

書仍以本兵從柱國于謹南伐江陵進驃騎大將軍開府
儀同三司進爵爲伯六官建拜民部中大夫周孝閔帝踐
阼出爲澧州刺史蠻左生梗不營農業彥勸以耕稼民皆
務本亡命之徒咸從賦役先是以澧州糧儲乏少每令荆
州遞送自彥莅職倉庾充實無復轉輸之勞齊南安城主
馮顯密遣使歸降其衆未之知也柱國宇文貴令彥率兵
應接時齊人先令顯率所部送糧南下彥懼其衆不從命
乃于路邀之顯因得自拔其衆果懼戰彥縱兵奮擊並虜
獲之以南安無備卽引軍掩襲遂有其城晉公護嘉之進
爵懷德縣公入爲工部中大夫保定四年護東討彥從尉
遲迴攻洛陽迴復令彥與權景宣出汝南及軍次豫州使
彥鎮之天和中爲隴右總管長史四年卒于位贈小司空
宜鄜丹三州刺史

郭榮字長榮自云太原人也父徽任魏爲同州司馬時武
元皇帝爲刺史由是與隋文帝有舊徽後官至涇州刺史
安城縣公及帝受禪拜太僕卿數年卒官榮容貌魁岸外
疎內密與交者多愛之周大冢宰宇文護引爲親信護察
榮謹厚擢爲中外府水曹參軍時齊寇屢侵護令榮于汾
州觀城形勢時汾州與姚襄鎮相去懸遠榮以爲二城孤
迥勢不相救請于州鎮間更築城以相控攝護從之俄而
齊將段孝先攻陷姚襄汾州二城唯榮所立者獨能自守
護作浮橋出兵孝先于上流縱大筏擊浮橋護今榮督便
水者引取其筏以功授大都督護又以稽胡數爲寇亂使
榮綏集之榮于上郡延安築周昌宏信廣安招遠咸寧等
五城以遏其要路稽胡由是不能爲寇周武帝親總萬機

氏姓譜

卷百三十八

十藥 郭氏

拜宣納中士後從帝平齊以功封平陽縣男遷司水大夫
榮少與隋文帝親狎帝嘗與夜坐月下謂榮曰吾仰觀元
象俯察人事周歷已盡我其代之榮深自結納未幾周宣
崩文帝總百揆名榮撫其背笑曰吾言驗未卽拜相府樂
曹參軍俄以本官復領蕃部大夫文帝受禪引爲內史舍
人以龍潛之舊進爵蒲城郡公加位上儀同累遷通州刺
史仁壽初西南夷獠多叛詔榮領八州諸軍事行軍總管
討平之煬帝卽位入爲武侯驃騎大將軍以嚴正聞後黔
安首領田羅駒阻清江作亂夷陵諸郡民夷多應者詔榮
擊平之遷左候衛將軍從帝西征吐谷渾拜銀青光祿大
夫遼東之役以功進位左光祿大夫明年帝復事遼東榮
以爲中國疲蔽萬乘不宜屢動乃言于帝請止行帝不納
復從軍攻遼東城榮親蒙矢石晝夜不釋甲胄帝知之大

愔每勞勉之帝後以榮年老欲出爲郡榮陳請不願哀之
拜爲右候衛大將軍後數日帝謂百寮曰誠心純至如郭
榮者固無比矣楊元感之亂帝令馳守太原明年復從帝
至柳城卒于懷遠鎮時年六十八帝爲廢朝贈兵部尚書
諡曰恭子福善

郭世儁字宏父太原文水人也家門雍睦七世同居犬豕
同乳烏鵲同巢時人以爲義感之應州縣上其事隋文帝
遣平昌公宇文弼諸其家勞問尚書侍御史柳或巡省河
北表其門閭漢王諒爲并州總管聞而嘉嘆賜其兄弟二
十餘人衣各一襲

郭絢河東安邑人家世寒微初爲尚書令史後以軍功拜
儀同歷數州司馬長史皆以能名大業初刑部尚書宇文
敏巡省河北引絢爲副煬帝將有事遼東以涿郡爲衝要
訪可任者聞絢有幹局拜涿郡贊務吏人悅服數載遷爲
通守兼領留守及山東盜起絢逐捕之多所剋獲時諸郡
無復完者唯涿郡獨全後將兵擊竇建德于河間戰死人
吏哭之數月不息

氏姓譜

卷百三十八

十藥

郭氏

三

入聲 十藥

郭氏

唐

郭知運字逢時瓜州晉昌人長七尺猿臂虎口以格鬪功累補鳳州三度府果毅從郭虔瓘破突厥有功加右驍衛將軍封介休縣公吐蕃將全達延乞力徐寇渭源盜牧馬詔知運與薛訥王陵等相犄角敗之進階冠軍大將軍兼臨洮軍使封太原郡公賜賚萬計徙隴右諸軍節度大使鄯州都督突厥降戶阿悉爛跋跌思泰率眾叛執單于都護張知運詔以朔方兵追擊至黑山呼延谷敗之虜棄仗

氏姓譜

卷百三十九

十藥 郭氏

走取副都護還詔知運兼隴右經畧使營柳城開元五年大破吐蕃獻俘京師明年復出將輕兵丙夜至九曲獲精甲名馬羴牛甚眾既獻獲詔分賜文武五品以上清官及朝集使三品者進兼鴻臚卿攝御史中丞六州胡康待賓反率王陵討平之拜左武衛大將軍授一子官賜金帛九年卒于軍年五十五贈涼州都督知運屯西方戎夷畏憚與王君奐功名畧等時號王郭帝詔中書令張說紀其功于墓碑上元中配饗太公廟永泰初諡曰威子英傑英父郭英傑字孟武為左衛將軍幽州副總管開元二十三年長史薛楚玉遣英傑與裨將吳克勤烏知義羅守忠帥萬騎及奚眾討契丹屯媮闕契丹酋長可突于拒戰都山下奚眾貳官軍不利知義守忠引麾下遁去英傑克勤力戰死其下尚六千人殊死戰虜示以英傑首終不屈師遂殲

郭正一定州鼓城人貞觀時由進士署第歷中書舍人宏
文館學士永隆中遷秘書少監檢校中書侍郎詔與郭待
舉岑長倩魏元同並同中書門下承受進止平章事平章
事自正一等始永淳中真遷中書侍郎執政久明習故事
文辭諳敕多出其手劉審禮與吐蕃戰青海大敗高宗召
羣臣問所以制戎正一曰吐蕃曠年梗寇師數出坐費糧
貲近討則喪威深入則不能得其巢穴今上策莫如少募
兵且明烽候勿事侵擾須數年之遲力有餘人思戰一舉
可破矣劉齊賢皇甫文亮等議亦與正一合帝納之武后
專國罷爲國子祭酒出檢校陝州刺史與張楚金元萬頃
皆爲周興所誣構殺之籍入其家妻息流放文章無存者
郭孝恪許州陽翟人少有奇節不治貲產父兄以爲無賴
暗亂牽少年數百附李密密喜謂曰世言汝穎多奇士不

氏姓譜

卷百三十九

十藥

郭氏

二

謬也使與李勣守黎陽密敗勣遣孝恪送款封陽翟郡公
拜宋州刺史詔與勣經畧武牢以東所定州縣委以選補
竇建德之援洛也孝恪上謁秦王進計曰王世充力竭計
窮其面縛可跂足待建德悉眾遠來糧餉阻絕殆天亡時
也若固守武牢以軍汜水逐機應變禽殄必矣王然之賊
平置酒大會洛陽宮語諸將曰孝恪策禽賊王長先下漕
功固在諸軍右遷上柱國歷貝趙江涇四州刺史所至有
能名改左驍衛將軍累加金紫光祿大夫貞觀十六年拜
涼州都督改安西都護西州刺史其地高昌舊都流徙罪
人與鎮兵雜限以沙磧隔絕中國孝恪推誠撫御盡得其
歡心初王師滅高昌詔以所虜焉耆生口七百還焉耆王
王叛歸欲谷設可汗孝恪請擊之卽拜西州道行軍總管
率步騎三千出銀山道夜襲其王龍突騎支虜之帝悅降

璽書褒勞俄拜崑邱道副大總管進討龜茲破其國城乃自留守遣餘軍分道進龜茲國相那利遁去孝恪以餘部未平出營于外國人有謂孝恪曰那利素得士心今亡在外勢必爲變城中頗有異志願公備之孝恪忽其言不設備那利果率衆陰與城內胡爲應薄城鼓譟始覺之乃率千餘人合戰城中舉應那利孝恪殊死鬪中流矢卒子待詔亦沒將軍曹繼叔進兵復拔其城太宗責孝恪斥候不明至顛覆奪其官後愍死戰更爲舉哀高宗卽位追還官爵贈待詔游擊將軍賜物三百段次子待封官左豹韜衛將軍

郭翰嘗爲御史巡察隴右多所按劾次寧州時狄仁傑爲刺史民爭言有異政翰就館以筆紙置于案謂僚屬曰入其境其政可知願薦使君美于朝毋久留卽命駕去性寬簡讀老子至和其光同其塵慨然曰大雅君子以保其身乃辭憲官改麟臺郎云

氏姓譜

卷百三十九

十葉

郭氏

三

郭震字元振魏州貴鄉人以字顯長七尺美鬚髯少有大志十六與薛稷趙彥昭同爲太學生家嘗送資錢四十萬會有緣服者叩門自言五世未塋願假以治喪元振舉與之無少吝一不質名氏覆等歎駭十八舉進士爲通泉尉任俠使氣撥去小節嘗盜鑄及掠賣部中口千餘以餉遺賓客百姓厭苦武后知所爲召欲詰既與語奇之索所爲文章上寶劍篇后覽嘉歎詔示學士李嶠等卽授右武衛鎧曹參軍進奉宸監丞會吐蕃乞和其大將論欽陵請罷四鎮兵披十姓之地乃以元振充使因覘虜情還上疏后從之又言吐蕃倦搖戍久矣咸願解和以欽陵欲裂四鎮專制其國故未歸歟陛下誠能歲發和親使而欽陵嘗不

從則其下必怨設欲大舉固不能斯離間之漸也后然其計後數年吐蕃君臣相猜攜卒誅欽陵而其弟贊婆等來降因詔元振與河源軍大使夫蒙令卿率騎往迎授主客郎中久之突厥吐蕃連兵寇涼州后方御洛城門宴邊遽至因輟樂拜元振爲涼州都督卽遣之初州境輪廣纒四百里虜來必傳城下元振于南陝口置和戎城比磧置白亭軍制東要路遂拓境千五百里自是州無虜憂又遣甘州刺史李漢通關屯田盡水陸之利稻收豐衍舊涼州粟斛售數千至是歲數登至匹縑易數十斛支唐十年牛羊被野治涼五歲善撫御夷夏畏慕令行禁止道不舉遺河西諸郡置生祠揭碑頌德神龍中遷左驍衛將軍安西大都護西突厥酋烏質勒部落盛強欸塞願和元振卽牙帳與計事會大雨雪元振立不動至夕凍冽烏質勒已老數

氏姓譜

卷百三十九

十藥

郭氏

四

拜伏不勝寒會罷卽死其子娑葛以元振計殺其父謀勒兵襲擊副使解琬知之勸元振夜遁元振不聽堅臥營爲不疑者明日素服往弔道逢娑葛兵虜不意元振來遂不敢逼揚言迎衛進至其帳修弔贈禮哭甚哀爲留數十日助喪事娑葛感義更遣使獻馬五千駝二百牛羊十餘萬制詔元振爲金山道行軍大總管烏質勒之將闕噉忠節與娑葛交怨屢相侵而闕噉兵弱不支元振奏請追闕噉入宿衛徙部落置瓜沙間詔許之闕噉遂行至播仙城遇經畧使周以悌以悌說之曰國家厚秩待君以部落有兵故也今獨行入朝一羈旅胡人耳何以自全乃教以重寶賂宰相無入朝請發安西兵導吐蕃以擊娑葛永阿史那獻爲可汗以招十姓請郭虔瓘使拔汗那蒐其鎧馬以助軍旣得復仇部落更存闕噉然之卽勒兵擊于闐坎城下

之因所獲遣人間道齎黃金分遺宗楚客紀處訥使就其謀元振知之上疏不省楚客等因建遣攝御史中丞馮嘉賓持節安撫闕啜以御史呂守素處置四鎮以牛師獎爲安西副都護代元振領甘涼兵召吐蕃併力擊娑葛娑葛之使娑臘知楚客謀馳報之娑葛怒卽發兵出安西撥換焉耆疏勒各五千騎于是闕啜在計舒河與嘉賓會娑葛兵奄至禽闕啜殺嘉賓又殺呂守素于僻城牛師獎于火燒城遂陷安西四鎮路絕元振屯疏勒水上未敢動楚客復表周以悌代元振且以阿史那獻爲十姓可汗置軍焉耆以取娑葛娑葛遣元振書且言無仇于唐而楚客等受闕啜金欲加兵擊滅我故懼死而鬪且請斬楚客元振奏其狀楚客大怒誣元振有異圖召將罪之元振使于鴻問道奏乞留定西土不敢歸京師以悌乃得罪流白州而赦

氏姓譜

卷百三十九

十葉

郭氏

五

娑葛磨宗立名爲太僕卿將行安西酋長有勞面哭送者旌節下玉門闕去涼州猶八百里城中爭具壺漿歡迎都督嗟嘆以聞景雲二年進同中書門下三品遷吏部尚書封館陶縣男先天元年爲朔方軍大總管築豐安定遠城兵得保頓明年以兵部尚書復同中書門下三品元宗誅太平公主也磨宗御承天門諸宰相走伏外省獨元振總兵扈帝事定宿中書者十四夕乃休進封代國公實封四百戶賜一子官物千段俄又兼御史大夫復爲朔方大總管以備突厥未行會元宗講武驪山旣三令帝親鼓之元振遽奏禮止帝怒軍容不整引坐燾下將斬之劉幽求張說扣馬諫曰元振有大功雖得罪當宥乃赦死流新州開元元年帝思舊功起爲饒州司馬怏怏不得志道病卒年五十八十年贈太子少保元振雖少雄邁及貴居處乃儉

約手不置書人莫見其喜愠建宅宣陽里未嘗一至諸院
殿自朝還對親欣欣退就室儼如也距國初仕至宰相而
親具者惟元振云

郭子儀華州鄭縣人魁幹秀傑登武舉補左衛長史遷軍
于副都護歷振遠橫塞安德軍使安北都護九原太守討
安祿山遷衛尉卿兼靈武郡守充朔方節度使舉兵出單
于府收靜邊軍斬賊將周萬頃敗高秀巖于河曲遂收雲
中馬邑開東陁加御史大夫靈州大都督府長史賊陷常
山引軍下井陘與李光弼合破史思明衆數萬平藁城南
攻趙郡禽賊四千斬僞守郭獻璆還遇思明尾襲至行唐
賊疲引去因反擊之勝于沙河祿山益出精兵乃趨恒陽
堅壁自固晝出揚兵夜襲其幕使不得息復乘其怠率僕
固懷恩渾釋之陳回光等陣嘉山思明希德子奇咸至一

氏姓譜

卷百三十九

十藥 郭氏

六

戰敗之斬四萬級獲人馬萬計思明跳奔博陵自此河北
十餘郡咸斬賊守迎王師方圖范陽會靈武踐位詔赴行
在時方草昧賴以全師至軍聲大振興復之勢始有望焉
首拜兵部尙書同中書門下平章事都督節度如故肅宗
軍至彭原房琯又敗衆亡畧盡惟倚朔方軍爲根本賊將
阿史那從禮復誘河曲九府六胡州部落數萬迫行在子
儀與回紇首領葛羅支擊之執獲數萬河曲遂平至德二
載攻潼關敗賊將崔乾祐退保蒲津乃復攻蒲約陷賊永
樂尉趙復參軍韓旻徐旻及宗室子李藏鋒等謀爲內應
斬賊守陴者納其軍乾祐走安邑不納脫身更走子儀遂
收陝郡遣于旴與安守忠戰殺萬級旴死于陳克永豐倉
于是闕陝之路始通祿山已死欲圖大舉詔還鳳翔進司
空充闕內河東副元帥率師趨長安次瀟水東與安太清

守忠等大戰清渠上王師不利委仗而奔復收潰卒保武功待罪于朝左授僕射餘如故俄從副元帥廣平王率蕃漢兵十五萬陣香積寺北連亘三十里與賊將李歸仁戰自午至酉斬首六萬級生禽二萬僞守張通儒棄城走陝始收京師翌日入城休士三日復引而東安慶緒遣嚴莊悉眾十萬來助屯于陝西負山爲陣王師至新店賊二百騎來掩未戰而走于儀追之橫貫其營賊張兩翼包之官軍却李嗣業率回紇兵自後奮擊賊大敗嚴莊等走洛陽再收東都以功加司徒封代國公食邑千戶入朝帝迎勞灞上諭曰國家再造卿之力也于儀頓首陳謝有詔還東都經畧北討乾元元年破賊河上執安守忠以獻入朝詔百官迎長樂驛帝御望春樓待之進中書令帝卽詔大舉九節度師討慶緒以于儀光弼皆元功難相臨攝第用魚

氏姓譜

卷百三十九

十藥

郭氏

七

朝恩爲觀軍容宣慰使不立元帥于儀自杏園濟河圍衛州慶緒分其衆爲三將戰于儀選善射三千士伏壁內誘賊薄營注射如雨賊震駭全師奮勇斬首四萬級獲鎧冑數十萬執僞鄭王安慶和遂收衛州進趨鄴城戰于愁思岡賊又敗連營進圍相州諸節度引還于儀獨全軍保河陽詔爲東都留守俄改東畿山南東道河南諸道行營元帥魚朝恩素疾其功譖毀召還授邠寧鄜坊兩節度使留京師更以趙王係爲天下兵馬元帥李光弼爲副代于儀領朔方兵俄而思明再陷河洛西戎逼擾京輔天子旰食議者謂于儀有功社稷不宜投置散地帝悟復授諸道兵馬都統令趨范陽朝恩又沮之及光弼敗邠山又河中亂殺李國貞太原戕鄧景山朝廷憂二軍與賊合而新將望輕不可用乃詔彗于儀朔方河中北廷潞儀澤沁等州節

度行營兼興平定國副元帥進封汾陽郡王屯絳州將行
值肅宗不豫子儀固請曰老臣受命將死于外恐不見帝
目且不瞑帝引至卧內謂曰河東之事一以委卿賜御馬
銀器雜綵別賜絹布九萬匹子儀嗚咽流涕至屯誅殺國
貞王元振等數十人辛雲京聞之亦殺害景山者諸鎮皆
惕息奉法代宗立程元振忌宿將難制離搆百計因罷子
儀副元帥加實戶七百以爲山陵使子儀懼讒且成盡哀
肅宗所賜詔赦千餘篇上之復自陳訴優詔公母有疑眷
禮彌重又欲使副雍王東討亦以交訾而止久之梁崇義
叛懷恩陰召回紇吐蕃寇河隴涇州入犯奉天武功遽拜
子儀闕內副元帥鎮咸陽時罷歸已久部曲離散逮承詔
麾下才數十騎承詔之日驅民馬補行隊甫至咸陽虜兵
已過渭水聞天子幸陝流涕奔赴中途遇射生將王獻忠

氏姓譜

卷百三十九

十藥

郭氏

八

叛劫諸王欲奔虜子儀讓之取諸王送行在乃往南收兵
得武關防卒及六軍散亡數千漸以復振暇吐蕃方在京
立廣武王承宏爲帝署百官遣先鋒六軍兵馬使張知節
烏崇福羽林軍使長孫全緒將兵萬人營韓公堆盛張旗
幟鳴鼓譟夜叢萬炬以疑賊又遣故將王甫結城中俠少
爲內應夜噪朱雀街吐蕃惶駭夜遁又遣大將李忠義屯
苑中渭北節度使王仲昇守朝堂子儀大軍至產西射生
將王撫自署京尹城中擾亂撫殺纔定書聞命權留守會
元振自知召亂憚其威名又懼皇太子不欲還京勸帝將
都洛陽子儀反覆論奏二都形勢帝覽奏涕泣曰子儀真
社稷臣也遂決意還京乘輿至迎謁謝罪勞以用卿遲晚
至此加賜鐵券圖形凌烟閣帝患懷恩頓兵并汾子場又
屯榆次侵畧屬縣使鎮河中場遂被殺其將張惟岳率衆

來歸懷恩懼走靈州廣德二年進太尉兼領朔寧涇原河
西朔方并吐蕃招撫觀察使懷恩誘吐蕃回紇党項數十
萬寇邠州朝廷大恐問計安出對曰無能爲也懷恩雖慄
悍素失士心今誅思歸之人却與俱來然皆臣故部曲恩
信素結彼豈忍以兵相向乎帝信之命屯奉天先驅已至
諸將請擊論以客兵深入利于速戰緩之當自攜貳迫之
是速其鬪勝負未可必有敢言戰者斬堅壁數日果不戰
而退自涇陽入朝恩資崇得進尚書令以本朝太宗任此
累聖曠員不置帝許其辭賜以美人六從者八并車服帷
帳珍玩之具永泰元年復命都統河南道節度行營鎮河
中懷恩盡誘吐蕃回紇党項羌渾奴刺等三十萬掠涇邠
躡鳳翔入醴泉奉天京師大震帝下詔親征急召子儀回
屯涇陽軍纔萬人比到虜騎圍已合乃使李國臣高昇魏

氏姓譜

卷百二十九

十藥

郭氏

九

楚玉陳回光朱元琮各當一面身率鎧騎二千出入陣中
回紇怪問是誰報曰郭令公又問天可汗安在答曰天子
萬壽回紇大驚曰曩懷恩言天可汗棄天下令公卽世中
國無主故我從以來豈知天可汗無恙令公又在今始知
其詐子儀使諭以昔涉萬里助復二京休戚與我同之今
乃棄舊好助叛臣何其愚邪彼背主棄親于汝何有回紇
尙未信願得親見左右皆諫回紇野心難信子儀不聽自
度彼衆十倍朝廷力不敵將示以至誠或請以五百騎從
亦不聽卽傳呼令公來敵皆持滿待徐隨數十騎出免胄
見其大酋問諸君安乎久同忠誼何至于此酋咸捨兵下
馬拜曰果吾父也子儀卽召與飲遺之綿綵結誓如初因
說以本國與吐蕃甥舅至親無故爲逆若倒戈乘之特爲
甚易矧在野畜物方數百里皆天賜不可以失回紇又聞

懷恩暴死患無所統遂許諾遣首領石野那等從入朝吐蕃知其謀夜遁遣白元光合回紇衆追躡大軍繼之勝于靈臺西原斬級五萬俘萬人盡還所掠士女資畜不可勝計來朝加實封二百戶復還河中自是吐蕃累寇涇州并靈武敗之于涇陽奉天之間時議馬璘孤軍在邠徙之涇陽命子儀兼邠原慶節度使移鎮邠州大歷九年入朝對延英上言朔方國之北門西禦犬戎北虞徐兪曩時戰士十萬馬三萬匹僅支一隅禍亂以來東征西討士無寧歲頃遭懷恩傷殘又亡三分之二今吐蕃兼吞河隴雜羌渾之衆歲入郊畿勢踰十倍臣所統士不當賊四之一馬不當百之二臣惟今日兵非不足但簡練不至進退未一時淹師老地廣勢分願陛下更詢讜言慎擇名將抽諸道精卒合四五萬列屯北邊其兩河江淮大小鎮兵虛殫廩給

氏姓譜

卷百二十九

十藥

郭氏

十

未經教閱請追赴關中閑習武藝令知戰勝攻取之法如臣衰老願避賢路不許德宗嗣位詔攝冢宰充山陵使賜號尚父進太尉中書令增實封通前二千戶給千五百人根馬芻二百匹盡罷所領使納餉節建中二年疾病詔遣舒王至第省問薨年八十五帝悼痛廢朝五日詔羣臣往弔贈太師陪塋建陵帝御安福門哭過其喪百官陪位諡曰忠武詔配饗代宗廟廷墳例崇丈八尺特增丈以表元功子儀事上誠御下恕賞罰必信每降城下邑所至之處輒得士心握兵處外無纖介顧望一聞詔命卽日引道屢陷敵圍竟免于難前後遭權倖忌害卒不得行魚朝恩至使人發其父墓入朝中外懼有變帝亦唁之引以自咎號泣而言臣不能禁士殘人之墓今天譴不孝非人所爲朝恩出錢數萬列宴私第元載告以將謀不利甲者願從不

聽獨以家僮十數往朝恩反訝語以所聞泣曰非公長者能無致疑田承嗣嘗因其使至西望拜曰茲膝不屈于人久矣李靈耀據汴州遏絕公私財賦獨子儀封幣道其境不敢留持兵衛送麾下李懷光常謙光渾瑊宿將數十皆位王侯聽其頤指進退無所趨起幕府顯官前後六十餘員歲入官俸二十四萬私利不預宅居親仁里四分之一中通丞巷家人三千出入不知其處賜與良田美器名園甲館不可勝紀帝嘗不名呼爲大臣天下以身爲安危者二十餘年校中書令考二十四八子七塔皆列于朝諸孫不能盡識曰進問安頷之而已富貴壽考哀榮終始人臣之道無缺焉子曜盱眙暖曙映而四子以才顯

郭暉性沈靜資貌瑰傑累從節度府辟署破虜有功爲開陽府果毅都尉至德初推子儀功授衛尉卿累進太子詹

氏姓譜

卷百三十九

十藥

郭氏

十一

事太原郡公子儀專征伐曜留治家事少長無間言諸弟或飾池館盛車服曜獨以朴簡自處子儀罷兵遷太子少保昆弟六人共制拜官子儀薨以遺命簿上四朝所賜各馬珍物德宗後賜之乃悉散諸弟居喪以禮疾甚或勸茹葱薤終不屬口後盧杞秉政忌勲族子儀塔太僕卿趙縱少府少監李洞清光祿卿王宰皆以次得罪人幸其危多論奪田宅奴婢曜大恐獨宰相張鎰力保護德宗稍聞之詔有司曰尙父子儀有大勲力保父王家嘗誓山河琢金石許宥十世前日其家市田宅奴婢而無賴者以尙父沒妄論奪之自今有司毋得受建中三年卒贈太子太傅諡曰孝初曜襲代國公食二千戶貞元初詔減半以封暉暖映曙人二百五十戶未幾復詔四人各減五十戶封曜子鋒晤子鑑各百戶云

郭曙依宗朝累官司農卿德宗幸奉天曙方傾家兵獵苑北聞曙至伏謁道左遂從乘輿入駱谷霖雨塗潦衛兵或異語帝名謂曰朕不德而苦公等宜執朕送朱泚以謝天下諸將皆感泣曰願死生從陛下時曙與功臣李昇輩請令狐建李彥輔被甲請見言曰南行路險且虞姦變臣等世蒙恩今相誓願更挾帝馬許之帝還曙清擢金吾大將軍餘並爲禁軍將軍曙終祁國公

氏姓譜

卷百二十九

十藥

郭氏

五

拜兵部尚書又帥劍南東川太和中南蠻寇蜀取成都外郭杜元穎不能禦詔劍兼領西川節度未行蠻衆已畧梓州州兵寡不可用劍遺書譙蠻首箠巔以侵叛意箠巔曰元穎不自守數侵吾圍我以是報乃與劍修好約無相犯天子嘉之卽拜西川節度使以疾請代爲太常卿卒贈司徒子仲文仲恭仲詞開成三年詔仲文襲太原郡公給事中盧宏宣奏劍妻沈公主女代宗皇帝外孫其子仲詞尚饒陽公主仲文冒嫡不應襲使仲文承嫡則沈當黜且仲詞亦不得尙主乃詔仲詞檢校殿中少監駙馬都尉襲封而仲文以太皇太后故置不問仲恭歷詹事府丞亦尙金堂公主

郭縱字利用暖第三子尙德陽郡主詔裴延齡爲主營第長興里順宗立主進封漢陽公主擢縱檢校國子祭酒

馬都尉自景龍後外戚多爲檢校官不治事宰相薦其才不當以外戚廢乃拜右金吾將軍封太原郡公恭遜折節不以富貴加人性周畏不立赫赫各有諫于上退必毀稿家人子弟無知者別墅在南都尤勝塏穆宗嘗幸之置酒極歡改太子詹事充閑廐宮苑使卒贈尚書左僕射

郭承嘏字復卿子儀曾孫也幼秀異通五經元和中及進士第累遷起居舍人居母喪以孝聞太和六年爲諫議大夫言政事得失文宗以鄭注爲太僕卿承嘏極論其非注頗懼進給事中俄出爲華州刺史給事中盧載還詔書且言承嘏數封駁稱職宜在禁隨帝曰朕謂久次欲優其稍入耳乃復留給事中時江淮旱用度不支詔宰相分領度支戶部承嘏言宰相調和陰陽安黎庶若使閱視簿書校緝帛非所宜帝順納遷刑部侍郎帝嘗稱其儒素無貴驕氏姓譜

卷百三十九

十藥

郭氏

十三

氣不類勳家每進對恩接備厚方大任用會卒家無餘貲親友爲辦喪祭贈吏部尚書

五代

郭昭慶廬陵人博學能自力嘗著唐春秋三十卷保大中獻所作治書補揚子尉後主時復獻經國治民論擢著作郎時方奉中朝凡歲慶賀貢方物賤表及死勞宴餞之辭率命昭慶爲之

郭崇韜代州鴈門人爲人明敏決機應變以材幹稱莊宗器異之命與馬紹宏同爲中門使甚見親信值晉兵圍鎮州久不下謀報契丹入寇至新樂晉人皆恐欲解圍去莊宗未決崇韜曰契丹來非救張文禮爲王都以利誘之耳宜乘破梁之勢不可遽自退怯莊宗然之果敗契丹卽位拜兵部尚書唐旣得鄆州王彥章圍楊劉莊宗意輕之引

兵出戰遇伏而敗莊宗問計將安出崇韜言彥章圍我志
在取鄆若以應鄆州爲名據河下流築壘於必爭之地彥
章必來爭分其兵勢可坐圖也莊宗乃遣崇韜與毛璋將
數千人夜行築壘于博州東彥章果引兵來攻時方大暑
兵多熱死所失大半還趨楊劉莊宗奮軍迎擊遂大破之
康延孝自梁來奔崇韜延之卧內盡得梁虛實時莊宗方
惑羣議欲棄鄆西取黎陽與梁約和崇韜曰自陛下興兵
仗義十餘年今天號已建人皆引領以望成功且唐未失
德勝四方商賈畢集薪粟如山自失南賊道路轉徙耗亡
大半魏博五州秋稼不稔竭民而歛不支數月此豈按兵
持久之時願陛下分兵守魏固楊劉而自鄆擣其巢穴不
出半月天下定矣莊宗大喜即日下令軍中歸其家屬于
魏夜渡楊劉從鄆襲汴果八日而滅梁推功賜鐵券拜侍

氏姓譜

卷百二十九

十藥

郭氏

古

中成德軍節度仍鞠樞密使自莊宗以兵取天下崇韜未
嘗歷戰陣獨以謀議居佐命第一位兼將相遂以天下爲
已任遇事無所回避宦官伶人用事多不便之初崇韜不
欲馬紹宏位在已右乃改爲宣徽使而以張居翰爲樞密
使紹宏失職怨望因置內勾使令紹宏領之凡天下錢穀
出入皆經內勾旣而文簿繁多州縣爲疲遽罷其事紹宏
尤側目崇韜頗懼謀于故人欲避之歸守鎮陽以免禍人
謂公有功無過矧今中宮未立天下利便未舉者多宜悉
建議若內有中宮之助外爲天下所悅雖有讒間其可動
乎崇韜以爲然上書請立劉氏爲皇后因建天下利害二
十五事並施行之同光三年夏霖雨不止莊宗患官中暑
濕思得高樓避暑遣宮苑使王允平營之宦官因言崇韜
眉頭不伸嘗爲陛下愛惜財用此豈可得旣而崇韜果切

諫宦官曰彼居第不異皇居安知陛下之熱初崇韜自處
素廉入洛後頗受四方賂遺或有勸者答曰吾非爲祿賜
寡少但天下藩鎮多梁舊將皆主上斬祛射鈎之人若一
切拒之恐疑反側之心明年南郊當悉獻所藏以佐賞由
是讒間寢入崇韜乃累表自陳請依唐制還內臣樞密并
爵鎮陽謂臣昔從陛下軍朝城定計破梁許臣事了與卿
一鎮今天下一家賢俊並進臣願乞身如約莊宗曰朝城
之約許卿一鎮不許卿去會河南令羅貫爲人強直正身
奉法不受請託頗爲崇韜所知故縣令多出張全義門下
畜以廝養至是貫不屈按誅奸民恃勢爲不法者全義怒
轉告劉后與左右日夜共攻貫短未有以發適皇太后喪
駕幸陵所道路泥塗橋且壞問誰主者亟召貫下獄崇韜
諫以法不當死莊宗怒殺之明年議征蜀明宗爲總管當

氏姓譜卷百三十九

十藥

郭氏

五

行而崇韜危忌思立大功以圖自安乃以契丹爲辭謂北
邊捍禦非總管不可魏王國之儲副唐有故事當用爲元
帥上曰繼岌小子豈堪大事卿爲我擇其副尚未及對遽
曰朕得之矣無以易卿遂以繼岌爲西南面行營都統崇
韜爲招討使軍政皆決崇韜唐軍入蜀所過迎降王衍弟
宗弼陰送款求爲西川兵馬留後崇韜許之軍至成都宗
弼悉取衍嬪妓珍寶以奉崇韜及其子廷誨繼岌頗疑崇
韜無以自明因以事斬宗弼及其弟宗渥宗勳沒其家財
蜀人大恐崇韜素嫉宦官嘗語繼岌曰今王有大功師旋
必爲太子侯主上萬歲後當盡去之監軍李從襲等聞此
言皆切齒思圖搆之會向延嗣勞軍還上蜀簿得兵三十
萬馬九千五百匹器甲七百萬糧二百五十三萬石錢一
百九十二萬緡金銀二十二萬兩珠玉犀象二萬文錦綾

編五萬匹帝曰人言蜀富甲天下所得止此邪延嗣因
誣譖皆入崇韜莊宗怒宦官馬彥珪乃陰與劉后定計殺
之子五人皆死所得蜀貨亦盡明宗詔許歸葬以太原故
宅賜其孫平生盡忠國家有大畧欲因破蜀威德遣使招
諭南詔諸蠻以綬來之惜不能就

郭延魯沁州綿上人也父饒以驍勇事晉數立軍功爲沁
州刺史九年爲政有惠愛州人思之延魯以善禦爲將累
遷神武都知兵馬使朱守殷反從攻汴州以先登功爲汴
州馬步軍都指揮使累遷復州刺史延魯嘆曰吾先君爲
沁州者九年民到于今思之吾今幸得爲刺史其敢忘吾
先君之志由是益以廉平自勵民甚賴之秩滿州人乞留
不許皆遮道攀號天福中拜單州刺史卒于官當是時刺
史皆以軍功拜言事者多以爲言以謂方天下多事民力
困敝之時不宜以利史任武夫特功縱下爲害不細而延
魯父子特以善政著焉

氏姓譜

卷百三十九

十葉 郭氏

六

郭進深州博野人少貧爲傭保有膂力僞儻任氣結豪俠
嗜酒蒲博後走晉陽漢祖壯其材留帳下及建號命以奇
兵間道先趨洛州因定河北諸郡累遷乾坊二州刺史少
帝改磁州周廣順初移滑州吏民攀留後遷登州平羣盜
部內清肅顯德初移衛州衛多亡命與趙邢洛依山帶河
易爲出沒伺間椎剽捕輒遁去累歲不能絕進備知情狀
設計殲搃數月始盡改洛州團練使所至多善政嘗于城
四面植柳壕中種荷芰蒲葦後益繁茂郡民見之有垂涕
者曰此郭公遺愛也請立碑頌德詔左拾遺鄭起撰文賜
之宋祖立親征澤潞遷本州防禦使充西山巡檢入太原

獲數千人征河東領前軍行營馬軍都指揮使再征復爲
河東道忻代等州行營馬步軍都監招徠山後諸州民三
萬七千餘口太平興國初領雲州觀察使判邢州仍兼西
山巡檢賜第京城征太原先命分兵控石嶺闖大破契丹
又攻破西龍門砦俘馘來獻自是并人喪氣以論護軍田
欽祚恣爲奸利欽祚反撫他事侵之進本武人性剛烈又
恃戰功高心不能平自經死以暴卒聞太祖悼惜後知其
事遂罷欽祚贈進安國軍節度使命中使護葬爲人有材
幹輕財好施然御下嚴毅士卒苦之

郭遵開封人家世以武功隸軍籍稍遷殿前指揮使乾興
中改左班殿直并代路巡檢歷左右侍禁慶州柔遠砦軍
馬監押石試騎射優等遷閣門祇候爲忝州高陽砦主徙
延州西路都巡檢使未幾而元昊寇延州遵以碑將屬劉

氏姓譜

卷百三十九

十葉

郭氏

七

鐵杵破其腦兩軍皆大呼復持鐵槍進所向披靡會黃德
和潰戰益急遵自期必死獨出入行間軍稍却復騎以殿
持大稍橫笑昊知不可敵使人持大索索立高處迎遵馬
輒爲遵所斷因縱使深入攢兵注射中馬馬踏仆地被殺
贈果州團練使後耕者于戰處得遵所用鐵杵槍稍共九
十斤併與其衣冠葬之河南

郭浩字允道吳玠同里人父成字信之爲供奉官元豐中
將涇原兵擊破夏人于漫曠隘至城下有羌乘白馬馳矢
陣前大將劉昌祚命躍馬梟其首以獻進秩四等平夏城
成傍環五砦謂帥章綯使往守之夏人恚失地空國入爭
自沒煙峽連營百里成與折可適議乘勝深入以萬騎分
道並進遂俘阿理都逋三大酋提聞進雄州防禦使涇原

鈴轄徽宗詔諸軍併力築緩戎懷戎二堡成獨當合流之役暴露雪中感疾卒帝悼之賻以金帛官其子塔成輕財好施名震西鄙旣沒廉訪使王孝竭白于朝帝手書郭成盡忠報國有功于民榜其廟曰仁勇浩以蔭補三班奉職徽宗時充環慶路第五部將嘗率百騎抵靈州城下遇夏人千騎來追手斬二騎還充渭州兵馬都監從种師道進築葺平砦敵塞水源以渴我師浩率精騎數百奪之敵攻石尖山冒陣而前矢中左脇怒不拔奮力大呼得賊乃已由是知名累遷忠州刺史欽宗進安州團練使以師道薦名對乞給輕兵間道馳滑臺擊金人時不能用問西事因言夏人必乘間盜邊願選將設備已而果攻涇原路取西安州懷德軍紹聖開拓之地復盡失之种師中制置河東辟以自隨建炎初知原州二年金取長安涇守夏大節棄

氏姓譜

卷百三十九

十葉

郭氏

十六

城遁浩適夜半至所將纔二百人金人間其名引去升本路兵馬鈐轄知涇州權主管鄜延路經畧安撫時二敵交侵鄜延東屬金西北屬夏惟保安一軍德靜一砦屬朝廷浩間道之德靜置司招收散亡與敵對壘一年敵不能犯浩去夏人復來權帥耿友諒僅以身免一路盡陷值張浚經畧以浩爲秦鳳路提點刑獄知秦州時檄五路進師浩欲且自守與玠議同王師果敗移知鳳翔保和尚原隨方捍禦以至蜀功遷正任防禦使紹興元年往援饒風獲斬萬計遷邠州觀察使徙知興元討平米倉山嘯聚飢民復知利州金兵十餘萬進窺川口與玠大破之遷彰武軍承宣使因按本路提刑宋萬年與敵交通情辭與玠異由是不協徙知金州殘敵特甚戶口無幾浩招集流亡開營田便益以利諸軍漸以盈溢羨積十餘萬緡朝議嘉之許凡

奏請得以直達和議成授龍神四廂都指揮使陝西宣撫判官樓焯行關中辟浩密院都統制拜奉國軍節度使金圍耀州胡世將召浩會備人原指授攻取之策遣裨將設伏破之敵乃解去十年以知金州節制陝西軍馬兼措置河東忠義軍十二年授金房開達四州經畧安撫使十二年來朝加檢校少保賜御府金帶繡鞍官一子文資浩辭還帝嘉其意別與一子閣職卒年五十九贈檢校少師諡恭毅淳熙初立廟金州

郭懿字仲儀開封襄邑人登進士太宗尹京時素聞其名太平興國初擢著作佐郎右贊善大夫兼皇子侍講賜緋魚上幸東宮出戒子篇命注解且令講說以喻諸王三年尚知貢舉遷右補闕拜中書舍人賜金紫五年復典貢部會初置京朝官差遣院凡將命出入受代歸闕悉考校勞

氏姓譜

卷百三十九

十藥 郭氏

九

積銓量才品卽命掌之遂拜參知政事任遇不次每論奏誓以直報嘗白弭德超誣曹彬趙普重之無何入對因宿醒左遷秘書少監知荆南遇天旱俗尙浮祀盛陳禱雨之具命悉撤投之江不數日大雨就如左諫議大夫入爲鹽鐵使奏除諸路積逋正犯繫死子孫猶禁者多所蠲貸籍田超群工部侍郎淳化中知澶州河決坐免久之復起爲給事中知審官院通進銀臺封駁司真宗時知天雄軍召入歷集賢院學士判院事知河南府獻詩自陳復改吏部侍郎俄兼秘書監上以先授經普至其家每稱費純厚長者秘府屢賜對詢訪舊事懿其老特拜工部尙書侍讀學士作詩賜之有啟發冲年曉典常語東封改禮部尙書集晉邸時凡屬和御製篇詠釐爲四卷以獻優詔嘉獎卒年七十六上以舊故特臨哭之贈左僕射諡文懿錄其子

昭度大理寺丞昭升昭用並大理評事昭允左贊善大夫平生屬文敏速而不雕刻有文懿集三十卷性溫和頗能延譽時雋

郭正字仲徽祥符人世寓鄭州登進士爲河南主簿陳堯咨知大名辟簽書判官事改大理寺丞孫奭馮元奏正學問通博他莫能及除國子直講薦試學士院爲集賢校理元知河陽又辟爲通判徙河南入爲三司度支戶部判官累遷刑兵二部員外郎同修起居注康定元年使契丹告用兵西鄙厚加禮貌還知制誥判吏部流內銓擢龍圖閣直學士權知開封卒正性和易文思敏瞻刻意詞賦好用經語對頗近于諧聚古書畫不計其貲購求之

郭祥正字功文當塗人母夢李白而生少有詩聲荷堯臣見而歎曰天才如此真白後身也登進士知武岡縣轉保

氏姓譜 卷百二十九 十藥 郭氏 二十

信軍節度判官從章惇倅爲察訪判官當王安石用事時祥正奏乞天下大計專聽一人處畫有異議大臣卽當屏黜神宗覽之曰此必宰執素親暱者出其章以示安石因問卿識郭祥正乎其人似可用安石恥爲小臣所薦極口陳其無行遂以殿中丞致仕後復出通判汀州知端州棄去隱于縣青山而卒

郭申錫字延之唐宰相元振後裔登進士爲晉陵尉民有訴其弟爲人所殺察其色懼而不哀詰曰得非汝自謀殺弟乎訊之果然擢知博州戍兵欲脅衆爲亂申錫爲戮一人鯨二人乃定仁宗謂小官臨事如此豈易得邪召爲御史臺推直官數上疏論事遷侍御史知雜事屢詆權倖無所避論余靖引胡恢有醜行高若訥引范祥啟邊釁帝謂近世士大夫方未達時好指陳時事及被進用緘口不言

若申錫不多見也河北奏契丹遣泛使至命爲體量安撫使還遷鹽鐵副使未幾以天章閣待制出知鄧州河中與滕元發奏種諤薛向擅發諸路兵城綏州邊隙一開兵連民疲必爲內憂後如其言及諒祚死請捐前過聽其子襲爵著邊鄙守禦策言二敵賴歲幣甚厚渝平豈其所利必有以致之但得重將守邊不要功生事則善矣久之以給事中致仕年七十七而卒

郭瓊平州盧龍人祖海本州坑冶使父令奇盧臺軍使瓊初以勇力聞事契丹爲蕃漢都指揮使後唐天成中挈族來歸明宗以爲亳州團練使改商原階三州刺史晉天福中連領滑坊號衛四州陽城之役功居多轉沂州時契丹陷中原盜賊遙起山東爲甚聞瓊威名相率遁去漢乾祐中周祖名權知宗正卿事世宗時歷絳蔡齊三州防禦使

氏姓譜

卷百三十九

十藥

郭氏

二

宋建隆三年告老加右領軍衛上將軍致仕歸洛乾德二年卒年七十二瓊雖起卒伍而所至有惠政尊禮儒士孜孜樂善蓋武臣之賢者

郭廷謂字信臣彭城人南唐濠州觀察使全義之子幼好

學工騎射補殿前承旨改濠州中軍使李景每令入奏偵

中朝機事父卒擢莊宅使監濠州周師來伐與州將黃仁

謙爲固禦之計濠守欲棄城走力止之旣而援兵不至城

不可守廷謂南望大慟出降至山陽見世宗特加宴勞賜

金帶襲衣良馬拜亳州防禦使以其弟廷讚爲和州刺史

宋初從征上黨再知亳州乾德二年代還改絳州防禦使

兩川平召爲靜江軍節度觀察留後舊弊有莊宅戶車脚

戶鷹鷄戶田獵戶及鄉將都將鎮將輩互擾閭里至則盡

除之開寶四年卒年五十四性恭謹事母以孝聞兄廷諭

官南唐太子洗馬入宋至秘書監

郭延澤字德潤廷謂從子南唐試秘書正字乾德中四遷著作佐郎轉殿中丞知建州與贊善大夫董元亨皆好學太宗召問經史大義條對稱旨命爲史館檢討歷國子周易博士咸平中求退授虞部員外郎致仕居濠州城南小圃以自娛樂詠牡丹至千首聚圖籍萬卷手自刊校范杲韓丕皆與之游元亨亦至虞部員外侍郎嘗鑽元門碑誌三十卷

郭載字咸熙浚儀人父暉右監門衛將軍義州刺史載以蔭爲右班殿直遷供奉官閤門祇候雍熙初提舉西川兵馬捕盜事賜鞍馬器械銀錢以遺積勞加崇儀副使還言川峽俗多贅壻死則與其子均分財產故貧者多詔禁之端拱二年擢引進副使知天雄軍俄同勾當三班出知秦氏姓譜

卷百二十九

十藥

郭氏

三

州兼沿邊都巡檢使先是巡邊者多領兵騎以威戎人所至煩苦載悉減去戎人感悅遷西上閤門使知成都行至梓州李順亂有日者潛告益州必陷公往當受禍少留數日可免載怒曰吾受詔領方面今臨危迫豈敢遷延即日入城順兵攻城益急度不能守率僚屬斬關出以餘衆趣劍門隨拓安使王繼恩統兵討順平之復入城月餘憂悸而卒年四十民以載前在蜀頗能爲民除害及再任卽值兵亂乎賊後亦有所全濟多歎惜之

郭密貝州經城人軀幹雄偉膂力絕人幼孤隨母改適冒姓王氏馬仁騶薦隸晉王帳下卽位補指揮使復姓郭氏淳化間凡八遷移貝州駐泊兵馬部署會夏人寇邊以武畧擢領安州觀察使充靈州兵馬都部署訓練士卒號令嚴肅夏人畏服邊境寧謐卒年五十八贈保順軍節度使

郭忠恕字恕先洛陽人七歲誦書屬文學童子及第尤工篆籀弱冠漢湘陰公召之拂衣去周廣順中爲宗正丞兼國子博士建隆初坐酒失貶乾州司戶參軍又擅離貶所削籍配靈武遂流落不仕游岐雍京洛間縱飲踈弛逢人無貴賤輒呼苗有佳山水卽淹留浹旬不去或踰月不食盛暑暴日中體不沾汗窮冬鑿河冰而浴凌漸消解人皆異之尤善畫所圖屋室重復之狀極臻精妙多將王侯公卿家或待以美醞豫張統素于壁乘興卽畫苟意不欲固請之必怒而去得者藏以爲寶太宗聞其名召赴闕授國子監簿賜襲衣銀帶錢五萬令刊定歷代字書性無檢局樂放縱上憐其才每優容之益使恣肆言謗讟以擅鬻官物詔減死決杖流登州行至齊州臨邑謂部送吏曰我今逝矣因培地爲穴度可容其面俯窺焉而卒藁葬道側後

氏姓譜

卷百二十九

十藥

郭氏

三

累月故人取其尸將改葬之體甚輕若蟬蛻然所定古今尙書并釋文行于世

郭永元城人博學通古今身長七尺鬚髯若神藏書至萬卷爲文不求人知性明決見古人名節未嘗不慨然掩卷而尤慕顏真卿以祖任爲丹州司法參軍州守武人爲奸利永數引法裁之守雖怒繆爲好言以薦後欲變永具獄永力爭不能得拂衣去調清河丞知大谷縣有惠政人稱自設縣令以來無與比者調東平司錄參軍臨事裁決無不曲中通判鄭州隨軍燕山爲轉運判官郭藥師屯邊怙恩暴甚與民市不償直復毆之至壞目折肢永見藥師詰曰朝廷負將軍乎驚曰何謂也永曰前日將軍仗策歸朝上推赤心禮遇無所不至今乃縱部曲戕民不禁平居尙爾如緩急何藥師雖陽謝然無愧容永退語撫司王安中

曰他日名亂必此人也已而移河北西路提舉常平會金兵南向所過城邑率藉冰梯城不攻而入承至大名聞之急馳濠魚之禁人爭出漁冰不能合遂睥睨而去遷河東提點刑獄留守崇澤檄承與杜充相倚角守大名衝要之地承朝夕厲兵積粟爲戰守具結援東平權邦彥謀復兩河不數月聲振河朔已沒州縣復應官軍金亦畏懼不敢動亡何澤卒充去代者張益謙與轉運裴億皆齷齪小人范瓊脅邦彥又去劉豫衆寇大名孤城無援承率士卒晝夜乘城伺間出擊或勸之遁嘆曰北門所以遮蔽梁宋若彼得志則席卷而南朝廷危矣倡力不敵猶當死守徐挫其鋒以待外援之至奈何棄之因募士縋城齋帛書告急于朝乞先爲備賊攻圍益急驅東平濟南俘大呼城下曰速降則富貴否者無噍類矣益謙輩相顧色動承大言曰

氏姓譜

卷百三十九

十葉

郭氏

二四

今日正吾儕報國之時亟行城撫循將士曰王師至矣吾城堅可守敵不足畏汝曹第努力衆咸泣質明大霧四塞賊盡發斷碑殘礎益以礮擊樓櫓皆壞左右蒙盾立者皆碎首城陷承堅坐城樓諸子環泣請去泣曰巢傾卵覆去將何之益謙億率衆迎降賊責曰城破始降何也衆以承不從爲辭賊遣騎召承承徐正衣冠南向再拜易幅巾而出粘罕問沮降者誰承熟視曰我也金人素聞承名且奇其狀貌欲啗以富貴承瞑目唾曰恨不醢爾以報國家何富貴之云粘罕麾使去承引手厲聲曰願速死亟驅義鬼滅爾大名人在繫者無不舉手加額爲之出涕粘罕怒并繫者悉斷所舉手殺之承一家皆遇害事聞贈中大夫資政殿學士諡勇節官其族數人承性忠義聞兩宮北狩號絕小地不食大元帥檄書至始勉強一餐

郭忠孝字立之樞密達之子受易中庸于程頤著易說號兼山先生以任補右班殿直登進士換文資授將作監簿年踰三十不忍去親劄任河南筦庫間爲河東路提舉王輔怒其廢格鹽法坐免靖康初召爲軍器少監入對力陳追擊之策謂今不能制其歸他日安能禦其來條上十餘事皆戰守利害士馬分合之策議者請擇保甲十萬分隸河朔諸郡忠孝言保甲歲久死亡者衆擇三萬人守都城可也矧河朔騎兵之地非保甲所宜上從之改永興軍提點刑獄乃亟走關陝得勝兵三萬分隸十將統之使趣澤路聽宣撫司節制金人深入忠孝與范致虛議河東無備願分兵走太行扼其歸路彼必來戰可解城下之圍致虛以爲然檄唐重與河中席益同出河東以牽制之已引蒲解軍三千至猗氏踰絳州破太平砦斬首數百級攻平陽

氏姓譜

卷百三十九

十藥

郭氏

二五

入其郭會大軍失利引還及是或勸忠孝以監司出巡可以避禍忠孝不答遂與轉運桑景詢及副總管楊景閱判官曾謂主管機宜友字王尚俱死之

郭琮黃巖人幼喪父事母恭順娶妻有子移居母室凡所欲必親奉之與越州應天寺僧同斷葷穢絕飲酒者餘三千年以祈母壽母年百歲耳目不衰飲食不減鄉里異之稱幼貧無以養晨夕乞食以給母亦年百五歲至道三年鄉老陳贊率同里四十人狀其事有詔旌表門閭除徭役郭雍字子和忠孝之子自幼傳父學隱居峽州號白雲先生乾道中峽守任清臣湖北張孝祥屢薦旌召不起賜號冲晦處士孝宗稔知其賢每對輔臣稱道之命所在州郡歲時致禮存問淳熙初更封頤正先生令部使者就問雍所欲言時年八十有三乃稟集其言曰易貫通三才抱括

萬理伏羲氏之畫得于天文王之重得于人義畫爲天天
君道也故五之在人爲君文重爲地地臣道也故二之在
人爲臣以上下二卦別而言之如此合六爻而言則三四
皆人道也故謂之中爻乾元亨利貞初曰四德後又曰乾
元始而亨者也利牝馬貞利君子貞是以四德爲仁義也
乾陽物也坤陰物也由乾一卦論之則元亨利貞之類利與
貞陰之類也是猶春夏秋冬雖爲四時由陰陽觀之則春
夏爲陽秋冬爲陰也天之所謂元亨利貞者如立天之道
陰與陽之類也地之所謂元亨利貞者如立地之道柔與
剛之類也人之所謂元亨利貞者如立人之道仁與義之
類也又坤之六五坤雖臣道五實君位雖以柔德不害其
爲君猶乾之九二雖有君德不害其爲臣故乾有兩君德
無兩君坤有兩臣德無兩臣六五以柔居尊下之君也江

氏姓譜

卷百三十九

十藥

郭氏

二六

海所以能爲百谷王者以其善下也下本坤德黃中色也
色之至美也裳下服也是以至美之德而下人也其發明
精到如此又至十四年方卒年九十七

郭守文交暉任漢爲護聖軍使從周祖征河中戰死守文
年十四居喪哀毀周祖憐之召隸帳下廣順初補左班殿
直至副都知宋初遷西頭供奉官蜀平選知簡州招來遣
盜潘美獲嶺南烈賊遣守文馳傳告捷遷翰林副使又從
曹彬平金陵護送李煜歸闕知煜以拒命自歉諭曰國家
止務恢復疆土致太平豈復有後至之責煜心始安改西
京作坊使領翰林司事俄從黨進破并冠于團栢谷太平
興國初秦州內附蕃部騷動命彙傳撫諭遷西上閣門使
汴水決寧陵董宋毫丁壯赴役塞之又與閤門王侁八作
石全振護塞靈河解決河及征太原與判四方館梁迥分

讓行營馬步軍劉繼元弟繼文據代州依遼人之援以拒
命復遣討平之俄受詔護定州屯兵大破遼人于蒲城以
功轉東上閤門仍領澶州刺史召還擢內客省使八年滑
州房村河決發卒塞之復董其役遼人擾雄州命率禁兵
數萬赴援既至遁去雍熙二年率兵屯三交加領武州團
練使命帥師討夏人破夏州鹽城鎮岷羅臧等十四族斬
首數千級俘獲生畜萬計又殲咩嵬族諸部畏懼相率來
降凡銀麟夏三州歸附者百二十五族萬六千餘戶西鄙
遂寧北伐爲幽州道行營前步軍水陸都監猝與遼人遇
流矢中之氣色不撓軍中服其量隨衆左遷右屯衛大將
軍明年復舊職拜宣徽北院使與田欽祚並爲北面排陣
使屯鎮州端拱初改南院使北面行營都部署兼鎮定高
陽關兩路排陣使是冬遼騎南侵大破之唐河端拱三年

氏姓譜 卷百三十九 十葉 郭氏 二七

十月卒年五十五上悼惜贈侍中諡忠武追封譙王爲人
沈厚有謀畧頗知書每朝退習書百行出言溫雅未嘗忤
人意得俸祿賜資悉犒勞士卒死之日家無餘財士皆流
涕太宗亟加嘆息賜其家錢五百萬爲納其女爲真宗夫
人卽章穆皇后也子崇德至太子中舍崇信西京左藏庫
使同知皇城司卒以后兄特示優禮廢朝贈福州觀察使
崇儼至崇儀使全州刺史贈潤州觀察使
郭崇仁字永年淳化四年補左班殿直遷東頭供奉官閤
門祇候契丹入寇齋密詔諭河北諸將還奏稱旨累遷崇
儀副使兼閤門通事舍人章穆崩特除莊宅使康州刺史
再遷宮苑使母憂起復雲麾將軍凡領昭解蔡三州團練
使經十年除知相衛二州皆辭不行久之擢捧日天武四
廂都指揮賀州防禦使高陽關路馬步軍副都總管以疾

卒贈彰德軍節度觀察留後天性慎靜不樂外官雖居外
戚未嘗過所恩澤

郭崇初名崇威以諱省父祖俱代北蕃長崇弱冠以勇力
應募爲人重厚寡言有方畧後唐清泰中爲應州騎軍都
校晉祖割雲應地賂契丹崇恥事之奮身南歸歷鄆河中
潞三鎮騎軍都校開運中戍太原漢祖起以爲前鋒入汴
改護聖左第六軍領鄆與富州刺史從周祖平河中以功
遷果州防禦使領護聖右廂都指揮使乾祐三年復從周
祖與李筠拒慕容彥超劉子陂走之補侍衛馬軍都指揮
使樞密王峻遣率七百騎東拒漢湘陰公贊遇于睢陽崇
陣于牙門外贊召升樓崇未敢遣馮道下與語崇乃登具
言天命已定軍情屬于周祖贊執崇手涕泣俛首久之俄
而斌所領衛兵都校張令超以衆歸崇崇卽送贊幽館舍

氏姓譜

卷百三十九

十藥

郭氏

二八

周祖卽位加領定武軍節度使南郊進同平章事鎮澶州
世宗立并人侵潞州命崇與符彥卿禦之俄親征又副彥
卿爲行營都部署師還加兼侍中移真定尹成德軍節度
使恭帝加檢校太師宋初兼中書令崇感周室恩遇時復
泣下監軍陳思誨密奏其狀因言常山近邊崇有異心宜
謹備之太祖曰我素知崇篤于恩義蓋有所激發耳遣人
覘之還言崇方對賓屬坐池潭小亭飲博城中晏然太祖
笑曰果如朕言未幾來朝代李重進爲平盧節度使乾德
三年卒年五十八帝震悼贈太師子守璘洛苑副使

郭僕建交間爲浮梁令適劇賊張琪犯樂平官皆遁轉運
使檄僕掌樂平縣僕至整兵死戰戰不克被執罵不絕口
遂遇害

郭種祥符人世寓鄭州舉進士甲科累官龍圖閣直學士

權知開封府嘗使契丹契丹厚禮之與同出觀獵延植射
植一發中走兔衆皆愕視植文思敏贍尤刻意於賦聚古
書畫不計其貲購求之

郭義重莆田人早遊太學以操尚稱年四十餘客錢塘聞
母喪徙跣奔喪每一慟輒嘔血聚土爲墳而廬其傍甘露
降烏鵲馴集紹興間事聞旌其閭

郭緒浦城人留意節康節象數之學兼取楊雄所據列山
易以章會統元推之久而成書名易春秋按圖布卦千歲
之日可坐而致也

郭奉世字少馮新淦人元祐進士羅田令改知永新有異
政泰和民素苦令詣漕司乞更奉世永新之民遮留不可
乃寓兩界兼理之山東盜起擢知密州破巨盜張海等數
萬五遷至徽猷閣待制移守襲慶金兵再至有旨以徐充

氏姓譜

卷百三十九

十藥

郭氏

元

兵赴闕和議成退保宿亳移軍于濟謝事歸里

郭峻字次山雋都人熙寧進士調南豐尉時夏侯爲令
訟盈庭未決會提刑毛抗至徇急付峻代爲訊斷峻呼囚
數十至庭下片言折之皆伏薦于朝授秘書省校書郎令
崇仁轉著作郎知南城及洪州時江西最苦鹽法苛急峻
從容不忍病民元豐中僉樞密院事卒官孫志康誌其墓
郭若虛字仁實崇仁人讀書通大義重然諾建炎初金人
入江西遣將肆掠若虛率鄉社格之七里岡梟其首將衆
怒復來攻若虛率鄉社逆鬪于會原嶺兩晝夜若虛及鄉
社死者七人金兵喪亡無數懼而遁邑免于寇

家

郭襲史逸其世性端介識治體久掩外調景宗卽位召見
問對稱旨知其可在拜南院樞密使尋加兼政事令以帝

數游獵上書諫史稱唐高祖好獵蘇世長言不滿十旬未足爲樂卽口命罷迄今美之伏念聖祖創業艱難修德布政宵旰不懈穆宗逞無厭之欲不恤國事天下愁怨陛下繼統海內翕然望中興之治十餘年間征伐未已寇賊未弭年穀雖登瘡痍未復正宜戒懼修省以懷永圖側聞恣意游獵甚于往日萬一有衝壓之變搏噬之虞悔將何及况南有強敵向隙而動聞之得無生心乎伏望陛下節從禽酌飲之樂爲生靈社稷計則國家有無疆之休上覽而稱善賜協贊功臣拜武定軍節度使統和初轉天平軍卒

金

郭企忠字元弼唐汾陽王子儀之後世爲北方節鎮至祖承勳入于遼子孫繼爲天德軍節度使父昌金降爲副使企忠幼孤事母孝謹年十三居喪哀毀如成人服除襲父

氏姓譜

卷百二十九

十藥

郭氏

三

官加左散騎常侍天輔中大軍至雲中遣耶律坦招撫遂率諸部來降太祖問知其家世禮遇優厚命同勾當天德軍節度事徙所部居于韓州天會三年伐宋領西南諸部番漢軍兵爲猛安從破鴈門屯兵遙領桂州觀察留後鎮代州五臺山賊楊麻胡等聚衆數千與同知迪里討平之遷知汾州大軍初平居民多被掠去城邑蕭然因親詣帥府力請贖還未幾完實如故汾人德之石州賊閻先生衆數萬至城下率吏民城守合援兵力擊破之六年改靜江軍留後遷天德軍節度使汴京步軍都指揮使累金吾衛上將軍秩滿權沁州刺史卒年六十八

郭蝦蟆會州人與兄祿大世爲保甲射生手平時發矢向掖下甲不掩處射無不中興定初祿夫以功遙授平涼府同知兼會州刺史賜姓顏蓋夏人政會州望見其主兵者

人馬皆金甲一發中其吭又射一人矢貫兩手于樹敵大駭城破俱被執夏人憐其技囚之俱誓死不屈朝廷議加優獎未知存沒乃特授祿大子伴牛巡尉職以旌其忠其後兄弟謀奔自拔其鬚事覺祿大竟死蝦蟆獨拔歸上思其忠遙授伴牛會州軍事判官蝦蟆鞏州鈐轄言者再乞獎用授蘭州軍事同知五年夏人萬餘侵定西敗之斬首七百獲馬五千匹以功遷臨洮府同知元光二年夏人步騎數十萬攻鳳翔元帥赤蓋合喜以蝦蟆總領軍事從巡城濠外一人坐胡床蔑視守城者即持弓矢向坐者舉肘一發而斃兵退遙除靜難軍節度使改通遠軍授山東西路幹可必刺謀克仍遣使賞賚徧論諸郡是年冬復與鞏州元帥田瑞攻取會州率騎兵五百皆被楮衲蔽州南山而下夏人俸望驚以爲神凡射死數百人城上有舉手者

氏姓譜

卷百三十九

十集

郭氏

三一

射之手與懸風版俱貫夏人震恐乃出降凡爲所據近十年至是復焉正大初田瑞據鞏州叛詔陝西兩行省併力擊之蝦蟆率衆先登瑞開門笑出斬首五千餘級以功遙知鳳翔府事本路兵馬都總管遷元帥左都監兼行蘭會洮河元帥府事六年進西馬二匹就以賜之詔卿武藝超絕此馬可充戰用朕乘此豈能盡其力仍賜金鼎一玉兔鶴一并所遣郭倫哥等物有差會哀宗遷蔡慮孤城不能保擬遷鞏昌以粘葛完展爲鞏昌行省及蔡已破完展欲安衆心城守以待嗣立者密遣人稱蔡使者傳旨宣諭會鞏德州帥汪世顯知蔡凶問且嫉完展制已謀以兵圍之又懼蝦蟆威望遣使約與併力使者至蝦蟆謂曰國家危急之際我輩旣不能致死赴援又不能叶衆奉迎乃欲攻粘葛公廢遷幸之地上至何所歸乎汝帥若欲肯國家任

自爲之何及于我世顯卽攻破鞏昌劫殺完展送款于元復遣使者二十餘輩諭以禍福蝦蟆不從甲午春金國已亡西州無不歸順蝦蟆獨堅守孤城丙申十月元兵併力攻之日與血戰集州中所有金銀銅鐵雜鑄炮以擊攻者殺牛馬以食戰士猝不能拔而死傷日衆乃自焚廬舍積聚命積薪州廨呼集家人及城中將校妻女閉諸一室咸自焚之城已破猶鏖戰不息衝上大草積以門扉自蔽發二三百矢無不中矢盡投弓劍自焚時年四十五城中無一人肯降者土人爲立祠

郭長倩字曼卿文登人登皇統丙寅經義乙科仕至秘書少監兼禮部郎中修起居注長倩撰石決明傳爲時輩所稱有崑崙集行于世

郭斌金亡元兵圍會州斌力戰不屈驅妻子一室焚之已

氏姓譜

卷百三十九

十藥

郭氏

三

而投火中有女奴自火中抱兒出泣授人曰將軍盡忠忍死絕嗣此其兒也幸哀而牧之言畢復赴火中死元將惻然爲保其孤

郭志空章邱人嘗遇異人傳以秘法遂坐而不卧善遇氣或化爲靈風而通透關節或化爲玉液而灌溉骨髓神幻變化非止一端

氏姓譜卷百三十九終

入聲 十藥

郭氏

元

郭寶玉字玉臣華州鄭縣人唐中書令子儀之裔也通天
文兵法金末封汾陽郡公引軍屯定州歲庚午童謠曰搖
搖晉晉至河南拜闕氏既而太白經天寶玉嘆曰北軍南
汴梁卽降天改姓矣金築烏沙堡屯兵三十萬會木華黎
軍至敗之寶玉舉衆降木華黎引見太祖問取中原計對
曰中原勢大不可忽也西南諸番勇悍可用宜先取之藉
以圖金必得志焉帝從其言又條新令五章凡出軍不得

氏姓譜

卷百四十

十藥

郭氏

一

妄殺雜死罪囚量情笞決軍戶蒙古色目人每丁起一軍
漢人田四頃人三丁者僉一軍年十五以上成丁六十破
老站戶與軍戶同民匠限地一項禁止僧道剃度皆見頌
行帝將西伐患番城多依山險難攻寶玉曰使其城在天
上則不可取否則何難之有帝益壯其言授抄馬都鎮撫
從帝討契丹遺族歷古徐鬼國訛彝柔等城破其兵三十
餘萬胸中流矢帝命剖牛腹置其中少頃乃蘇尋復戰收
別失八里別失蘭等城次忽章河西人列兩陣迎拒戰方
酣寶玉望其衆疾呼曰西陣潰矣其兵果走追殺幾盡進
兵下尋思干城次暗木河敵築十餘壘陳船河中俄風濤
暴起寶玉令發火箭射其船乘勝破護岸兵遂平諸壘收
馬里四城旣而可弗父國惟算端罕破乃滿國引兵據尋
思干聞帝將至棄城南走入鐵門闕屯大雪山寶玉追之

遂奔印度帝駐大雪山前時谷中雪深二丈寶玉請封山川神乃封崑崙山爲元極王大鹽池爲惠濟王復從哲伯速不台二大將收契丹渤海諸國有功累遷斷事官卒于賀蘭山子德海嗣

郭侃字仲和寶玉孫弱尅爲百戶鷲勇有謀畧從攻汴以功擢千戶歲壬子送兵仗至和林命從宗王旭烈兀西征初至木乃今國其國塹道置毒水中侃破其兵五萬下一百二十八城斬其主兀朱算灘進至乞都卜其城在磴寒山上懸梯上下築城圍之莫能克侃令架大礮擊其城守將卜者納失兒開門降宗王復遣侃往說兀魯兀乃算灘來降其父阿力走據東城侃攻殺之西行至兀里兒城伏兵城下令曰聞鉦聲則起敵果至伏發盡殲之海牙算灘降又西至阿刺汀破其游兵二萬馮梭答兒算灘降至乞

氏姓譜

卷百四十

十藥

郭氏

二

石迷部忽里算灘降西戎大國也地方八千里傳位四十二世勝兵數十萬侃至破其兵七萬屠西城又破其東城城中殿宇皆構以沉檀木舉火焚之香聞百里得七十二絃琵琶五尺珊瑚燈檠兩城間有大河侃預造浮梁以防其逸城破合里法算灘登舟欲遁有浮梁扼之乃自縛詣軍前降拔三百餘城又西行三千里至大房其將住石致書請降左右信之不設備侃曰欺敵者亡軍機多詐若中彼計恥莫大焉乃嚴備以待住石果來邀戰大破之巴兒算灘降下其城一百八十五又西行四十里至密昔兒會日暮已休侃復驅兵起留數病卒守營砦而大軍西行十餘里乃頓舍下令營中銜枚轉箭更漏寂然是夜敵果潛兵來襲殺數病卒乃可算灘大驚曰東天將軍神人也遂降又西渡海收富浪侃喻以禍福兀都算灘卽出降師還

西南至石羅子敵嚴陣以待侃單騎直前掠陣一鼓敗之
換斯干阿答畢算灘降至賓鐵侃以騎兵奄擊大敗之加
葉算灘降至兀林擊敗其游兵四萬阿別丁算灘懼乞降
得城一百二十四又南至乞里灣忽都馬丁算灘降西域
平侃經營西域前後凡七年誅名王一降其國十餘得城
以千計捷至釣魚山會憲宗崩乃還世祖卽位侃上疏陳
平宋之策大畧謂宋據東南以吳越爲家其要地則荆襄
而已今日之計當先取襄陽旣克襄陽彼揚廬諸城彈丸
地耳置之弗顧直趨安疾雷不及掩耳江淮巴蜀不攻
自下後皆如其策又言宋人羈留信使宜興師問罪淮北
可立屯田三百六十所每屯置牛三百六十具計一屯所
出足供軍旅一日之用帝是其言擢萬戶江南平遷知寧
海州居一年卒侃行軍有紀律野爨露宿雖風雨不入民
氏姓譜

卷百四十

十藥

郭氏

三

舍所至興學課農吏民畏服

郭貫字安道保安人以才行見推由中書掾調濟南路經
歷世祖至元二十七年拜監察御史承詔分江北沿淮草
地勅淮西宣慰使昂吉兒父子專權久不遷調蠹政害民
狀不報大德初改僉湖北道事言今四省軍馬數萬征入
百媳婦深入交瘴不毛之地無益于國不聽累除河東道
副使仁宗幸五臺山貫進見問廉訪使滅里吉反何以有
善政左右曰皆副使郭貫之教也召拜治書侍御史帝親
書其官階以授有司皇慶元年改侍御史明年出爲淮西
廉訪使建言宜置常平倉考校各路農事延祐中進太子
詹事貫言皇太子授金寶已三年宜行冊禮又輔導之官
早宜選置從之加太子賓客謁告還家卒年八十二追封
蔡國公諡文憲貫博學精篆籀當世寶罔碑額多出其手

郭守敬字若思順德邢臺人生有異稟祖榮通五經精算數水利之法時太保劉秉忠左丞張文謙樞密張易贊善王恂同講學州西紫金山榮使守敬從秉忠學中統三年文謙薦守敬習水利巧思絕人世祖召見上都面陳六事世祖歎曰任事若此真不爲素餐矣授提舉諸路河渠尋加副河渠使至元元年從文謙行省西夏興復灑河諸渠先是西夏灑河五州皆有古渠其中興州者一名唐來表四百里一名漢延袤二百五十里其餘四州又有正渠十表各二百里支渠大小六十八計溉田九萬餘頃兵亂廢壞淤淺守敬爲之更立牐堰渠皆通利如舊二年遷都水少監守敬言向自中興還順河而下四晝夜至東勝可通漕運及見查泊兀郎海古渠甚多宜加修理又言金時自燕京之西麻谷村分引蘆溝一支東流穿西山而出是

氏姓譜

卷百四十

十藥

郭氏

四

謂金口其水自金口以東燕京以北灌田若干頃利不可勝計兵興以來典守者懼有失以大石塞之今若按故蹟使水通流上可致西山之利下可廣京畿之漕又當于金口西預開減水口西南還大河令其深廣以防漲水笑入之患帝善其議十二年丞相伯顏南征議立水站命守敬行視河北山東可通舟者爲圖奏之先是太宗西征庚辰歲五月望月蝕不效二月五月朔微月見于西南中書令耶律楚材以大明歷後天乃損節氣之分減周天之秒去交終之率治月轉之餘課兩曜之後先調五行之出沒以正大明歷之失且以中原庚午歲大師南伐而天下畧定推上元庚子歲天正十一月壬戌朔子正冬至日月合璧五星聯珠同會虛宿六度以應太祖受命之符又以西域中原地里殊遠創爲里差以增損之雖東西萬里不復差

域名曰西征庚午元歷表上之不果行至元四年西域札馬魯丁撰進萬年歷世祖稍引用之時劉秉忠亦言大明歷自遼金承用二百餘年後天議欲修正未遂而卒十三年江左既平帝思其言遂立局改治新歷詔守敬與王恂較定以文謙與張易領之左丞許衡參預其事十六年改局爲太史院以恂爲太史令守敬同知太史院事及奏進儀表式守敬當帝前指陳理致至日晏帝未嘗少倦所創法凡五事一曰太陽盈縮用四正定氣立爲升降限依立招差求得每日行分初末極差積度比古爲密二曰月行遲疾古歷皆用二十八限今以萬分日之八百二十分爲一限凡析爲三百三十六限依揲壘招差求得轉分進退其遲疾度數逐時不同蓋前所未有三曰黃赤道差舊法以一百一度相減相乘今依算術勾股弧矢方圓斜

氏姓譜

卷百四十

十藥

郭氏

五

直所容求到度率積差率與天道實爲脗合四曰黃赤道內外度據累年貫測內外極度二十三度九十分以圓容方直矢接勾股爲法求每日去極與所測相符五曰白道交周舊法黃道變推白道以斜求斜今用立渾比量得月與赤道交正距春秋二正黃赤道正交一十四度六十六分擬以爲法推逐月每交二十八宿度分子理爲盡十九年恂卒時歷雖頒然其推步之式與立成之數尙皆未有定稿守敬于是比次篇類整齊分抄裁爲推步七卷立成一卷歷議擬稿三卷轉神選擇二卷上中下三歷注式十二卷二十三年守敬繼爲太史令遂上表奏進又有時候箋注二卷修改源流一卷其測驗書有儀象法式二卷二至晷景考二十卷五星細行考五十卷古今交食考一卷新測二十八舍雜座諸星入宿去極一卷新測無名諸

星一卷月離考一卷並藏之官二十八年有言灤河自永平挽舟踰嶺而上可至上都有言蘆溝自麻峪可至尋麻林者朝廷遣守敬相視灤河既不可行舟蘆溝亦爲峭石所阻不得達守敬因別陳水利十有一事其尤大者大都運糧河不用一畝泉舊源別引北山白浮泉水西折而南經龔山泊自西水門入城環匯積水滯復東折而南出南水門合入舊運糧河每十里置一牖北至通州凡牖七距牖里許上重置斗門互爲提闕以過舟止水帝覽奏稱善于是復置都水監俾守敬領之役興帝命丞相以下皆親操畚牖爲之倡待守敬指授而後行先是通州至大都五十里民運官糧歲數十萬石方秋霖雨驢畜踏斃者不可勝計至是得免都民輓運之勞公私稱便帝還自上都過積水潭見舳艫蔽水大悅賜名通惠河並賜守敬鈔萬二

氏姓譜

卷百四十

十藥

郭氏

六

千五百貫仍以舊職兼提調漕運事守敬又言于澄清牖稍東引水與北壩河接且立牖麗正門西令舟楫得環城往來志不就而罷三十一年庠昭文館大學士知太史院事成宗大德二年召至上都議開鐵幡竿渠守敬奏山水頻年暴下非大爲渠堰廣五七十步不可執政者吝于費以其言爲迂縮其廣三之一明年大雨山水下注渠不能容漂没人畜廬帳幾犯行殿帝謂省臣曰郭太史神人也惜其言不用耳時內外官年七十者並聽致仕獨守敬以先朝舊德累請不許自是翰林太史司天官不令致仕著爲令仁宗延祐三年卒年八十六

郭銜字彥章吉水人壯年負盛氣爲詩清麗有法其于離亂窮愁之作尤悽惋動人年踰六十竟以貧死其春夜寒詩序云余值時危一窮到骨今春雨雪連旬擁牛衣以當

長夜遂成疴瘡亦可哀已所著靜思集詩文甚富

郭敏字伯達河南人畫人物山水喜武元值師其意花竹墨竹亦臻神境官至州倅

郭嘉字元禮濮陽人祖昂父惠俱以戰功顯嘉慷慨有大志登泰定三年進士第累官廣寧路總管屬盜起詔團結義兵嘉招集民數千教以坐作進退號令齊一賞罰明信故東方甲兵之精稱嘉爲最至正十八年劉福通黨由大同焚掠上京嘉躬率義旅出禦且竭家貲倡勇敢旣而遼陽陷孤城無援嘉歎曰自我祖父有勲王室今日盡忠吾分內事況身守此土當生死以之餘不足惜頃之賊至圍城亘數十里有大呼者曰遼陽我得矣何不出降嘉挽弓射呼者中其左頰墮馬死賊稍引退嘉開西門逐之賊大至力戰以死追封太原郡公諡忠烈

氏姓譜

卷百四十

十藥 郭氏

七

郭道邇興化莆田人高祖義重至孝宋紹興間詣旌之鄉里爲立孝子祠至元初閩盜起居人竄匿道邇與弟佐卿獨守孝子祠不去俱見執盜將殺其弟道邇泣曰吾有兒已長弟弱子幼請代弟死佐卿亦泣曰吾家事賴兄理請殺我道邇固引頸受刃盜相顧曰汝孝門兄弟若此吾何忍害兩釋之道邇年至八十子廷焯爲建寧路平準庫使辭歸侍養父嘗病危廷焯憂瘁扶護一夕髮盡白

郭全遼陽人幼喪母哀戚如成人及壯父卒居廬三載啜粥面墨事繼母尤孝異母弟四人皆幼全躬耕以養旣長娶婦各求分財別居全不能止凡田廬器物悉自取朽敝者奉繼母以居甘旨無乏母卒全哀痛毀瘠廬其墓終喪郭昂字彥高彰德林州人習刀樂能挽強稍通經史尤工于詩至元初上書言事廉希憲材之授山東統軍司知事

累官廣東宣慰使所至招降蠻獠蠻人服其威信子震杭州路鎮守萬口惠僉江西廉訪使事預知寧都州

郭通徐州人少以孝稱父樞在殯鄰火延及通舍通仰天詠曰樞不能移寧與樞俱焚死伏柩慟哭火遂熄

郭回郃武人天性至孝家素貧竭力養親母年九十八而卒回傭身得錢塋之每日詣墓哭祭如是者十四年守臣以聞詔旌之

明

郭子興其先曹州人父郭公少以日者術游定遠言禍福輒中邑富人有瞽女無所歸郭公乃娶之家日益饒生三子子興其仲也始生郭公卜之吉及長任俠喜賓客會元政亂子興散家資椎牛醢酒與壯士結納至正十二年春集少年數千人襲濠州太祖往從之門者疑其謀執以

氏姓譜

卷百四十

十藥

郭氏

八

告子興子興奇太祖狀貌解縛與語收帳下為十夫長數從戰有功子興喜其次妻小張夫人亦指目太祖曰此異人也乃妻以所撫馬公女是為孝慈高皇后始子興同起事者孫德崖等四人與子興而五各稱元帥不相下四人者粗而慝日剽掠子興意輕之四人不悅合謀傾子興子興以是多家居不視事太祖乘間說曰彼日益合我益離久之必為所制子興不能從也元帥破徐州徐帥彭大禮均用帥餘眾奔濠德崖等以其故盜魁有名乃其推奉之使居已上大有智數子興與相厚而薄均用于是德崖等語諸均用曰子興知有彭將軍耳不知有將軍也均用怒乘間執子興幽諸德崖家太祖自他部歸大驚急帥子興二子誅于大大曰吾在孰敢魚肉而翁者與太祖偕詣德崖家破械出子興挾之歸元帥圍濠州乃釋故恨共城守

五關月圍解大均用皆自稱王而子興及德崖等爲元帥如故未幾大死子早住領其衆均用專狠益甚挾子興攻盱眙泗州將害之太祖已取滁乃遣人說均用曰大王窮迫時郭公開門延納德至厚也大王不能報反聽細人言圖之自翦羽翼失豪傑心竊爲大王不取且其部曲猶衆殺之得無悔乎均用聞太祖兵甚盛心憚之太祖又使人賂其左右子興用是得免乃將其所部萬餘就太祖于滁子興爲人烏悍善鬪而性倖直少容方事急輒從太祖謀議親信如左右手事解卽信讒疎太祖太祖左右任事者悉召之去稍奪太祖兵柄太祖事子興愈謹將士有所獻孝慈皇后輒以貽子興妻子興至滁欲據以自王太祖曰滁四面皆山舟楫商旅不通非可旦夕安者也子興乃已及取和州子興命太祖統諸將守其地德崖飢就食和境

氏姓譜

卷百四十

十藥

郭氏

九

求駐軍城中太祖納之有讒于子興者子興夜至和太祖來謁子興怒甚不與語太祖曰德崖嘗因公宜爲備子興默然德崖聞子興至謀引去前營已發德崖方留視後軍而其軍與子興軍鬪多死者子興執德崖太祖亦爲德崖軍所執子興聞之大驚立遣徐達往代太祖縱德崖還德崖軍釋太祖達亦脫歸子興恨德崖甚將甘心焉以太祖故強釋之邑邑不樂未幾發病卒歸葬滁州子興三子長子前戰死次天叙天爵子興死韓林兒檄天叙爲都元帥張天祐及太祖副之天祐子興婦弟也太祖渡江天叙天祐引兵攻集慶陳瑊先叛俱被殺林兒復以天爵爲中書右丞已而太祖爲平章政事天爵失職怨望久之謀不利于太祖誅死子興後遂絕

郭英瑗昌侯興弟也年十八與興同事太祖親信令值宿

帳中呼爲郭四從克滁和采石太平征陳友諒戰鄱陽湖
皆與有功從征武昌陳氏驍將陳同僉持槩突入太祖呼
英殺之衣以戰袍攻岳州敗其援兵還克廬州襄陽授驍
騎衛千戶克淮安濠州安豐進指揮僉事從徐達定中原
又從常遇春攻太原走擴廓下興州大同至沙淨州渡河
取西安鳳翔鞏昌慶陽追敗賀宗哲于亂山遷本衛指揮
副使進克定西討察罕腦兒克登寧州斬首二千級進河
南都指揮使時英女弟爲寧妃英將赴鎮命妃餞英于第
賜白金二十罌廐馬二十四匹在鎮綏輯流亡申明約束境
內大治九年移鎮北平十三年召還進前軍都督府僉事
十四年從潁川侯傅友德征雲南與陳桓胡海分道進攻
赤水河路久兩河水暴漲英斬木爲筏乘夜濟比曉抵賊
營賊大驚潰禽烏撒并阿容等攻克曲靖涼越州關索

氏姓譜

卷百四十

十藥

郭氏

十

嶺椅子寨降大理金齒廣南平諸山寨十六年復從友德
平蒙化蜀川濟金沙取北勝麗江前後斬首一萬三千餘
級生禽二千餘人收精甲數萬船千餘艘十七年論平雲
南功封武定侯食祿二千五百石予世券十八年加靖海
將軍鎮守遼東二十年從大將軍馮勝出金山納哈出降
進征虜右副將軍從藍玉至捕魚兒海師還賞賚甚厚遣
還鄉明年召入京命典禁兵三十年副征西將軍耿炳文
備邊陲西平沔縣賊高福興及還御史裴承祖劾英私養
家奴百五十餘人又擅殺男女五人帝弗問僉都御史張
春等執奏不已乃命諸戚里大臣議其罪議上竟宥之建
文時從耿炳文李景隆伐燕無功靖難後罷歸第永樂元
年卒年六十七贈營國公諡威襄英孝友通書史行師有
紀律以忠謹見親于太祖又以寧妃故恩寵尤渥諸功臣

莫敢望焉子十二人

郭雲南陽人長八尺餘貌魁偉元季聚義兵保裕州白泉寨累官湖廣行省平章政事元主北奔河南郡縣皆下雲獨堅守大將軍徐達遣指揮曹諒圍之雲出戰被執大將軍呵之跪雲植立嫚罵求死脅以刃不動大將軍壯之繫送京師太祖奇其狀貌釋之時帝方閱漢書問識字否對曰識因以書授之雲誦其書甚習帝大喜厚加賞賜用爲溧水知縣有政聲帝益以爲賢特擢南陽衛指揮僉事使還鄉收故部曲就戍其地凡數年卒長子洪年甫十三帝爲下制曰雲出田間倡義旗保鄉曲崎嶇累年竭心所事王師北伐人神響應而雲數戰不屈勢窮援絕終無異志朕嘉其節概試之有司則閭閻頌德俾鎮故鄉則軍民樂業雖無汗馬之勲倒戈之效治績克著忠義凜然子洪可

氏姓譜

卷百四十

十藥

郭氏

十一

入開國功臣列授宣武將軍飛熊衛親軍指揮使司僉事世襲

郭景祥濠人與鳳陽李夢庚皆從渡江典文書佐謀議分任行中書省左右司副中既同調浙東分省尋復同入爲大都督府參軍景祥性諒直博涉書史遇事敢言太祖親信之嘗曰景祥文吏而有折衝禦侮才能盡忠于我可大任也先是克滁州太平溧陽以城郭不完輒命景祥董治之既而和州守臣言州城久廢命景祥相度卽故址城之九旬而工畢太祖以爲能授和州總制景祥益治城隍樓櫓廣屯田練士卒威望肅然和遂爲重鎮壘書褒勞仕終浙江行省參政

郭在丹徒人一日定遠人除戶部侍郎廉慎有能建文初佐戶部飲食起居俱在公署時方貶制諸藩任言天下事

先本後末則易成今日儲財粟備軍實是何爲者乃北討周南討湘舍其本而末是圖非策也且兵貴神速苟曠日持久銳氣旣竭姑息隨之將坐自困耳燕王聞而惡之兵起任與同官盧迴主調兵食京師失守被禽不屈死之子經亦論死少子成廣西

郭敦字仲厚堂邑人洪武中以鄉舉入太學授戶部主事遷衢州知府多惠政衢俗貧者死不塋焚其屍敦爲厲禁且立義阡俗遂革禁民聚淫祠敦疾民勸弛其禁勿聽疾亦瘳在衢七年永樂初坐累徵耆老數百人伏闕乞留不得後廷臣言敦廉正召補監察御史遷河南左參政調陝西十六年春胡濙言敦有大臣體擢禮部右侍郎兼太僕寺卿偕給事中陶衍巡撫順天二十年督北征餉仁宗卽位以大行喪不齋宿降太僕卿旋進戶部左侍郎兼詹事

氏姓譜 卷百四十 十藥 郭氏 十一

府少詹事宣德二年進尚書陝西旱命與隆平侯張信整飭庶務當行者同三司官計議奏行敦乃請蠲逋賦振貧乏考黜貪吏罷不急之務凡十數事悉從之歲餘召還在部多所興革罷王田之奪民業者令民開荒不起科建漕運議民運至瓜州儀真資衛卒運至京民甚便之敦事親孝持身廉同官有爲不義者輒厲色待之其人悔謝乃已性好學公退手不釋卷六年卒官年六十二

郭緒字繼業太康人成化十七年進士使楚府却其饋授戶部主事督餉二十萬于陝西給軍主者以羨告悉還之歷遷雲南參議初孟密宣撫司之設也實割木邦宣慰司地旣而孟密思揅復于界外侵木邦地二十七所屢諭之遠不聽乃調孟養宣撫思祿兵脅之思揅始還所侵地然多殺孟養兵思祿仇之發兵越金沙江奪木邦故割孟密

地十有三所兩酋構怨不已巡撫陳金承詔遣緒與副使曹玉往諭之旬餘抵金齒參將盧和先統軍距所據地二程而舍遣官馳驛往諭皆留不報和懼還軍至千崖遇緒語故戒勿進緒不可玉以疾辭緒遂單騎從數人行旬日至南甸峻險不可騎乃斬棘徒步引繩以登又旬日至一夫澤土官以象輿來緒乘之往行毒霧中泥沙蹀躞又旬日至孟賴去金沙江僅二舍手自爲檄使持過江諭以朝廷招徠意蠻人相顧驚曰中國使竟至此乎發兵率象馬數萬夜渡江持長槊勁弩環之數重從行者懼請勿進緒拔刀叱曰明日必渡江敢阻者斬思祿旣得檄見警曉禍福甚備又聞至者纔數人乃遣酋長來聽令且致饋緒却之出敕諭宣示思祿亦繼至緒先叙其勞次白其寃狀然後責其叛諸酋聞咸俛伏呼萬歲請歸侵地緒詰前所留

氏姓譜

卷百四十

十藥

郭氏

三

使人乃盡出而歸之和及玉聞報馳至則已歸地納款矣越三年擢緒四川督儲參政武宗卽位始以雲南功加俸一級明年致仕歸

郭鉉合肥人襲彭城衛指揮使成化初以從征荔浦功進都指揮僉事中武舉遷同知爲張懋所舉代都勝爲參將鎮守廣西副總兵破府江獍賊遂以時望擢總漕運鉉毅沉有將畧累進都督同知凡軍民利病多陳于朝嘗濟通州河二十里置壩令淺船搬運歲省白金數萬當孝宗時朝政整肅文武大臣率得人鉉筦漕十二年不易正德初始名佐後府尋卒

郭登字元登武定侯英孫也幼英敏及長博聞強記善議論好談兵洪熙時授勳衛正統中從王驥征麓川有功擢錦衣衛指揮僉事又從沐斌征騰衝遷署都指揮僉事十

四年車駕北征扈從至大同起拜都督僉事充參將佐總兵官廣寧伯劉安鎮守宋勇等軍覆倉猝議旋師登告學士曹鼎張益曰車駕宜入紫荆關王振不從遂及于敗當是時大同軍士多戰死城門晝閉人心洶洶登慷慨奮勵修城堞繕器械拊循士卒弔死問傷親自爲裹創傳藥曰吾誓與此城共存亡不令諸君獨死也八月也先擁帝北去經大同使袁彬入城索金幣登閉城門以飛橋取彬入登與安及侍郎沈固給事中孫祥知府霍瑄等出謁伏地慟哭以金二萬餘及宋瑛朱冕內臣郭敬家資進帝以賜也先等是夕敵營城西登謀遣壯士劫營迎駕不果明日也先擁帝去景帝監國進都督同知充副總兵尋令代安爲總兵官十月也先犯京師登將率所部入援先馳蠟書奏奏至敵已退景帝優詔褒答進右都督登計京兵新集

氏姓譜

卷百四十

十藥

郭氏

四

不可輕用上用兵方畧十餘事景泰元年春偵知寇騎數千自順聖川入營沙窩登率兵躡之大破其衆追至栲栳山斬二百餘級得所掠人畜八百有奇邊將自土木敗後畏縮無敢與寇戰登以八百人破敵數千騎軍氣爲之一振捷聞封定襄伯予世券四月寇騎數千奄至登出東門戰佯北誘之入土城伏起敵敗走登度敵且復至令軍士賫毒酒羊豕楮錢僞爲祭冢者見寇卽棄走寇至爭飲食之死者甚衆六月也先復以二千騎入寇登再擊却之越數日奉上皇至城外聲言送駕還登與同守者設計具朝服候駕月城內伏兵城上俟上皇入卽下月城開也先及門而覺遂擁上皇去時鎮守中官陳公忌登會有祭公奸賊者公疑登使之遂與登構帝謂于謙曰大同吾藩籬也公與登如其何以守遣右監丞馬慶代公還登愈感奮

初也先欲取大同爲巢穴故數來攻及每至輒敗有一營
數十人不還者敵氣懾始有還上皇意上皇旣還代王仕
壘頌登功乞降赦獎勞兵部言登已封伯乃止二年登以
老疾乞休舉石彪自代且請令其子高宿衛帝以嵩爲散
騎舍人不聽登辭是時邊患甫息登悉心措置思得公廉
有爲者與俱遂劾奏沈固廢事而薦尙書楊寧布政使年
富又言大同旣有御史又有巡按御史僉都御史任寧宜
止巡撫宣府帝悉從之以年富代因而徵還固及寧其秋
以疾召還登初至大同士卒可戰者纔數百馬百餘匹及
是馬至萬五千精卒數萬屹然成巨鎮登去大同人思之
初英宗過大同遣人謂登曰朕與登有姻何拒朕若是登
奉曰臣奉命守城不知其他英宗銜之及復辟登懼不免
首陳八事多迎合尋命掌南京中府事明年召還言官劾

氏姓譜

卷百四十

十藥

郭氏

五

登結陳汝言獲召鞫實論斬宥死降都督僉事立功甘肅
憲宗卽位詔復伯爵充甘肅總兵官奏邊軍償馬艱甚至
鬻妻子乞借楚慶肅三王府馬各千匹官酬其直從之用
朱永等薦召掌中府事總神機營兵成化四年復設十二
團營命登偕朱永提督八年卒贈侯諡忠武登儀觀甚偉
髯垂過腹爲將兼智勇紀律嚴明料敵制勝動合機宜嘗
以意造攪地龍飛天網鑿深塹覆以土木如平地敵入圍
中發其機自相撞擊頃刻皆陷又倣古制造徧廂車四輪
車中藏火器上建旗幟鉤環聯絡布列成陣戰守皆可用
其軍以五人爲伍教之盟于神祠一人有功五人同賞罰
亦如之十五爲隊隊以能挽六十斤弓者爲先鋒十隊領
以一都指揮令功無相撓罪有專責一時稱善登事母孝
居喪秉禮能詩明世武臣無及者無子以兄子嵩爲子

郭成四川叙南衛人由世職歷官蘇松參將進副總兵倭犯通州爲守將李錫所敗轉掠崇明三沙成擊沉其舟斬首百三十餘級隆慶元年冬擢署都督僉事爲廣東總兵官渡海追曾一本大獲進署都督同知叛將周雲翔等殺參將耿宗元亡入賊中屯平山大安峒將寇海豐成偕南贛軍夾擊之斬首千三百餘級獲被掠通判潘槐而下六百餘人生繫雲翔潮州諸屬邑賊巢以百數郭明據林樟胡一化據北山洋陳一義據馬湖剽劫二十載成督諸軍擊殺明等俘斬千三百有奇四川都掌蠻爲亂詔成移鎮尋被劾罷歸萬歷改元命劉顯大征詔成充爲事官爲之副先登九絲山生繫阿大初成父爲蠻殺乃以所斬首級及生禽諸蠻置父墓前剖心致祭鄉人壯之尋僉書南京後府出爲貴州總兵官鎮守銅仁成有膽智每苗出掠潛

氏姓譜

卷百四十

十藥 郭氏

六

遣壯士入其砦斬馘而出嘗挺身入林箐察賊苗一日數驚曰郭將軍至矣相戒莫敢犯復被劾罷歸起四川總兵官承寧宣撫奢效忠卒其妻奢世統無子妾奢世續子崇周幼前總兵劉顯因命世續署宣撫印世統怒攻奪其落紐寨世續奔承寧成遣義兒郭天心偕指揮禹嘉賓按問天心遂據世續承寧私第罄取其資而成亦入落紅盡掠奢氏九世之積效忠弟沙卜遂拒殺裨將三人執天心等撫按交章劾成下吏遣成雲南會有松茂之役薦從軍成乃將七千人直抵黃沙屢破賊與總兵官李應祥盡平河東西諸巢以功授參將復偕應祥大破賊乃諸賊增世職二級賊乃黨楊九乍復出爲亂成討平之火落赤擾西寧四川巡撫李尚思以地近松潘檄成軍松林游擊萬鰲軍漳胤寇不敢逼西陲獲安楊應龍叛成進討無功載罪辦

理尋卒于官

郭朴字質夫安陽人嘉靖十四年進士選庶吉士累官禮部右侍郎歷吏部左右侍郎兼太子賓客南京禮部缺尚書帝憐朴久次特加太子少保擢任之朴辭曰幸與撰述不欲遠離闕下帝大喜命卽以太子少保禮部尚書詹事府侍直如故頃之吏部尚書歐陽必進罷卽以朴代之越二年以父喪去及嚴訥由吏部入閣帝謀代者時董份以工部尚書行吏部左侍郎事方受帝管而爲人貪狡無行徐階慮其代訥急言于帝起朴故官朴固請終制不許尋以考績加太子太保四十五年兼武英殿大學士入預機務與高拱竝命階早貴權重春芳訥事之謹至不敢講鈞禮而朴與拱鄉里相得事階稍倨拱尤負才自恣及世宗崩階草遺詔盡反時政之不便者拱與朴不得與聞大恚

氏姓譜

卷百四十

十藥

郭氏

七

兩人遂與階有隙言路劾拱者多及朴拱謝病歸朴不自安亦求去帝固留之時朴已加至少傅太子太傅矣御史龐尙鵬凌儒等攻不止遂三疏乞歸家居二十餘年卒贈太傅諡文簡朴爲人長者兩典銓衡以廉著輔政二年無過特以拱故不容于朝時頗有惜之者

郭正域字美命江夏人萬歷十一年進士選庶吉士授編修與修撰唐文獻同爲皇長子講官皆三遷至庶子不離講帷每講畢諸內侍出相揖惟二人不交一言出爲南京祭酒諸生納貲許充貢正域奏罷之李成梁孫以都督就婚魏國徐宏基家騎過文廟門學錄李維極執而扶之李氏蒼頭數十人踟躕門宏基亦至正域曰今天子尙皮弁拜先聖人臣乃走馬廟門外乎且公侯子弟入學習禮亦國子生耳學錄非拱都督也令交相謝而罷三十年徵拜

詹事復爲東宮講官旋擢禮部右侍郎掌翰林院三十一年三月尚書馮琦卒正域還署部事夏廟饗會日食正域言禮當祭日食牲未殺則廢朔旦宜專赦日詰朝享廟從之方澤陪祀者託疾正域謂祀事不虔由上不躬祀所致請下詔飭厲冬至大祀上必親行帝然之而不能用初正域之入館也沈一貫爲教習師後服闕授編修不執弟子禮一貫不能無望至是一貫爲首輔沈鯉次之正域與鯉善而心薄一貫會臺官上日食占曰日從上食占爲君知佞人用之以亡其國一貫怒而詈之正域曰宰相憂盛危明顧不若瞽史邪一貫聞之怒兩淮稅監魯保請給關防兼督江南浙江織造鯉持不可一貫擬予之正域亦力爭秦王以嫡子久未生請封其庶長子爲世子屢詔趣議前尚書馮琦持不上正域亦執不許王復請封其他子爲郡

氏姓譜

卷百四十

十藥

郭氏

六

王又不可一貫使大璫以上命脅之正域榜于門曰秦王以中尉進封庶子當仍中尉不得爲郡王妃年未五十庶子亦不得爲世子一貫無以難及建議欲奪黃光昇許論呂本諡一貫與朱賡皆本同鄉也曰我輩在誰敢奪者正域援筆判曰黃光昇當諡是海瑞當殺也許論當諡是沈鍊當殺也呂本當諡是鄢懋卿趙文華皆各臣不當削奪也議上舉朝躓之而卒不行正域既積忤一貫一貫深恨之會楚王華奎與宗人華越等相訐正域復與一貫異議由此幾得危禍正域四疏乞休去楚王既得安遂奏劾正域大畧如楊應文言且訐其不法數事請褫正域官詔下部院集議李廷機微刺正域而謂其已去可無苛求給事中張問達則謂藩王欲進退大臣不可訓乃不罪正域而令巡按御史勘王所訐以聞俄而妖書事起一貫以鯉與

已地相通而正域新罷因復陷幾危之光宗在東宮數語
近侍曰何爲欲殺我好講官諸人聞之皆懼詹事唐文獻
偕其僚楊道賓等詣一貫爭之李廷機亦力爲之地獄益
解刑部尚書蕭大亨具爰書猶欲坐正域郎中王述古抵
稿于地大亨乃止遂坐敝生光極刑釋諸波及者而正域
獲免方獄急時邏卒圍鯉舍及正域舟鈴柝達旦又聲言
正域且逮迫使自裁正域曰大臣有罪當伏尸都市安能
自屏野外旣而幸無事乃歸歸三年巡按御史史學遷勒
上楚王所訐事無狀給事顧士琦因請召還正域不報正
域博通載籍勇于任事有經濟大畧自守介然故人望歸
之扼于權相遂不復起家居十年卒後四年贈禮部尚書
光宗遺詔加恩舊學贈太子少保諡文毅官子中書舍人
郭傳一名正傳字文遠會稽人洪武七年帝御武樓賜學

氏姓譜

卷百四十

十藥

郭氏

九

士宋濂坐謂曰天下旣定朕方垂意宿學之士卿知其入
乎對曰會稽有郭傳者學有淵源其文雄贍新麗其議論
根據六經異才也旣而濂持其文以進帝召見于謹身殿
授翰林應奉直起居注遷兵部主事再遷考功監丞進監
令出署湖廣布政司參政

郭應響福清人萬歷丙午舉鄉試第一官甯州兵備副使
寧塞餘賊來犯應響禦之斬賊常山虎等十五人至是混
天猴率衆夜突至應響登北關集士卒拒守手殺三賊力
不支遂死事聞贈光祿寺少卿諡忠烈予祭塋廕一子入
監讀書

郭裕清江舉人爲棗陽知縣甫視事張獻忠至左良玉屯
近邑裕單騎邀與共禦賊却去至是賊將劉福來攻裕發
礮石擊傷多賊憤攻益力城陷身被數槊大罵賊支解之

閩門遇害

郭以重黃州人世爲衙指揮崇正十六年城陷自他所來赴難其妻欲止之叱曰朝不保夕我十三葉金紫不能易一死哉吾將先殺汝妻乃不敢言既至遇賊欲脅之去堅不從露刃懾之乃好謂賊曰從汝非難但抱小兒者吾妻也汝爲我殺之吾無累矣賊如其言以重卽奪賊刀擊斬一賊羣賊擁至遂赴水死

郭金城羅田守將賊逼城率所部五百人戰斬級百餘追之英山賊大集困三日突圍不得出被執脅降不從見殺郭昇新建人事親以孝聞預識宸濠之變避居巖中卒免于難居室罹兵燹官給逆產堅執不受以貢授興國司訓日聚諸士講學卽以俸貲館穀之數日翁然信從卒于任歸視蕭然著有大學中庸問答

姓氏譜

卷百四十

十藥

郭氏

二十

郭綸成化中知華亭縣未明起視事逮暮始休雖盛夏必衣冠終日無怠縣庭蕭然綸持法甚嚴而未嘗輕入人以罪民故思之

郭永清巴陵人永樂辛丑進士官工科給事中出使外藩不屈而死永清有逸才詩多騁語

郭都賢號天門晚號紫庵益陽人天啟壬戌進士授行人歷江西提學號稱得士累遷都御史巡撫江西黜貪墨獎循良冰霜凜凜人不敢干以私凡關國計民生章疏反覆必待奏可乃已晉兵部侍郎歸後隱于僧

郭鵬寧遠人嘉靖辛酉鄉薦授武令約已裕民甫九月丁外艱歸途資斧幾絕民感其清立石誦焉後補連城令運故苦浮賦履畝清丈各得其平陞建昌同知去之日板輟載道秩滿告歸布素泊然杜門課子公庭罕覩其跡

郭蕙居寧遠城市幼孤自八九歲即知念母守志勤苦及長而有室猶爲母躬滌溺器家貧不能得甘旨或經商外歸母問此行所得何如蕙必歎聲應有恐煩掛慮也兄蘭早卒其孤甚幼嫂他適母撫孤泣蕙曰甘苦相同無勞重念孤長爲娶婦母喜曰吾死無恨矣及卒蕙以禮治喪隣踴哭泣皆出至情士大夫詠其事

郭本安陽人早孤事母孝母卒哀痛幾絕殯葬以禮廬守墓側晨夕焚香泣拜負土成墳築臺名思親手植青白楊數十株曉有白項烏二飛集馴擾不去人以爲孝感所致郭咸和字尙大穎人與兄咸雍咸熙咸治稱四咸萬歷戊子舉人令海豐海豐巖微多盜咸和強力嚴明捕得盜魁二人伏于庭問以欲死欲生皆號哭乞命咸和曰若能使徒黨歸投當賞汝盜許諾即縱之去翼日復來述其黨內

氏姓譜 卷百四十 十藥 郭氏 三

嚮無異志咸和單騎入賊巢諭撫之邑士大夫聞之皆爲令危而羣賊則已襁負扶攜望馬首羅拜稱死罪乃令各陳所業立編冊以區置之有自陳欲爲儒者設義學課之書陞廣州通守罷歸而沒

郭子章字相奎秦和人隆慶進士初爲建寧府推官入爲南工部主事出爲湖州知府督學四川歷浙江參政山西按察使晉湖廣右布政福建左布政予告歸時播酋楊應龍叛糾苗擾蜀黔邊地亡寧日起子章巡撫貴州兼制蜀楚賜尙方劍嚴旨進剿益調各路兵專候大舉子章歃血誓師聲罪致討人思自效庚子四月應龍身帥各苗來決死戰子章會同劉鋹親勒騎衝堅分兩翼追奔破土月二城翌日遂破大城應龍闔室自焚生獲酋子朝棟兆龍等百餘人露布以聞前後叙功有旨議封爵大臣議非例始

加太子少保兵部尚書蔭子世襲錦衣衛殺賜祭墓子章
天才車越於書無所不讀著述幾于汗牛燕閩晉粵蜀浙
吳楚所歷皆有草有蠙衣集等書行世

歷代列女

郭氏 郭丹之母也丹欲從師母爲鬻衣裝賣產業與從師
長安

郭氏 憲宗皇后汾陽王子儀之孫暖之女也穆宗有疾命
太子監國宦官請郭太后臨朝太后曰昔武后稱制幾危
社稷我家世守忠義非武氏比也太子雖少但得宰相輔
之卿輩勿預政事何患國家不安自古豈有女子爲天下
主而能致唐虞之理乎

郭貞 媼齊義妻義分鎮天台酌酒以佩刀刺于夫長得不
死事覺當流于廣郭以廣多瘴度夫不能還乃歸女于童

氏姓譜

卷百四十

十藥

郭氏

三

氏端 坐學前水中而死至正中旌表立祠于東門外楓樹
里邑人楊子善爲傳

郭氏 名真順周伯玉妻也讀書能詩元末兵起從伯玉避
居鄉寨衆推伯玉爲寨主郭力勸辭之不日而寨首遇害
真順年至百三十五歲

郭嬪 名愛字善理鳳陽人賢而有文入宮二旬而卒自知
死期書楚聲以自哀詞曰修短有數兮不足較也生而如
夢兮死則覺也先吾親而歸兮慙予之失孝也心悽悽而
不能已兮是則可悼也

郭氏 天田人鄧茂七之亂鄉人結寨東巖寨破郭祿幼兒
走且有身爲賊所驅郭奮罵投百尺巖下與兒俱碎亂石
間胎及腸胃迸出狼籍巖下賊據高瞰之皆歎曰真烈婦
也瘞之去

郭氏宋體道妻崇正十五年任國琦作亂同居諸婦皆羅跪呼郭不出獨匿坵垣賊怒詰其不跪瞪目厲聲曰我跪亦死不跪亦死已安排不活矣賊加數刃迄死罵不絕口郭氏享貞姑諱安郭安女也年十八受聘於邑人許惟長而手患痼疾惟長父母欲悔之惟長不可卒娶焉入門事舅姑孝敬備至未數月惟長病卒時俗火葬貞姑在旁悲慟慘烈頃之不忍視自投火中而死鄉人義之聚土成墳郭氏仁和人聞顯宗妻也幼讀孝經列女傳通大旨既歸禮相其夫生二子長曰學次曰韶韶甫週數顯宗卒氏年二十有六輒自念曰妾分宜死所不死者惟二親及孤兒在耳于是斷髮毀容足跡不踰中閭雖同居弟懋宗不見其面無何學又殤乃督韶從師受業每夕篝燈繹繹以佐其學正德八年奉命旌表年八十一卒

氏姓譜

卷百四十

十藥

郭氏

三

郭氏名紹蘭長安豪民郭行先女適巨商任宗宗爲賈于湘數年不歸音信不通紹蘭覩燕戲于梁間長吁語曰我聞燕子自東海來往復必經湘中我壻離家不歸死生存亡弗可知欲憑汝附書授于我壻言訖淚下燕子飛鳴上下似有所諾蘭復問曰爾若相允當泊我懷中燕泊于膝上紹蘭作詩小書其字繫于燕足燕飛鳴而去任宗時在荊州忽見一燕飛鳴頭上訝視之燕遂泊于肩見一書繫足解視之乃妻所寄詩感而泣下燕復飛鳴而去宗次年乃歸出詩以示紹蘭後張說序其事而傳之

郭氏江都民王軾妾軾卒郭年二十五遺孤奎甫三歲郭誓死不改節霜居二十五年保孤成立嘉靖十六年遄接御史蘇祐旌其門

郭氏觀察郭子真女也適太學生陳祖萊氏肅閩政治家

相夫子讀書著述年未三十所著詩文輒千餘萬言已酉游南雍以麟經薦後不得志病瘵卒無嗣以姪爲後訓子力學領鄉薦母以壽考終建坊旌表以孫少宰貴封淑人郭氏汪醇字妾善化人年二十夫死守志子庠生以程崇正末母子避亂山中爲兵所執氏懼不免投楓樹口水中心死時兵驅以程後至知母已溺亦赴水死後數日家人覓尸母子相攜容貌如生見者駭異

郭氏生員宋之僕妻二十九歲夫卒氏守節近百齡歷孫曾五世膝下方卒

郭氏梁州太守郭銓女劉凝之妻也遺送豐麗凝之悉散親族妻亦不慕榮華與凝之共安儉苦夫妻共乘薄笨車出市貿易周用之外悉以散人

郭氏廬氏縣生員杜日昇妻崇正間流寇入境逃橫澗川

氏姓譜

卷百四十

十藥

郭氏

四

聞寇至投岩身死縣令劉公扁其門曰冰清玉潔

郭妃鄧王棟洪武二十四年封安陸六年卒妃郭氏武定侯郭英之女王卒無子止有四女踰月妃痛哭曰賢王舍我去我寡婦也無子尚誰恃于是對鏡描容付宮人又痛哭曰候吾諸女長與之令識母容也遂自經

郭氏郭志孝次女也適高宗禮宗禮卒時年二十一越二月生一子舅姑老家貧誓不改嫁晝採薪夜紡績以奉舅姑卒年七十有八五孫皆成立家業寢昌焉

郭氏新淦人黃仁壽妻仁壽值病草子甫四月謂郭曰母老孤藐皆若責也因私破一鏡生死各藏其半居恒以半鏡自隨御史王萬象上其事崇正間旌表

郭氏九節婦俱廬陵人郭願學妻劉氏名月娥年二十一撫子永堅守節洪武己酉卒永堅妻金氏名主娘年二十

夫沒矢志守節會里中寇亂金遇賊不辱赴水死安泰妻
劉氏名秀英年二十三守節安鼎妻劉氏名妙靖早寡無
子守節以壽終敬儀妻王氏名瓊英二十六守節壽八十
五敬熙妻陳氏名慈貞無子守節壽七十二厥補妻劉氏
名阿嬌年二十一撫孤守節壽七十六厥蘊妻戴氏名芹
英年二十四撫子守節以壽終郭氏女名參娘許適蕭生
生沒誓死守節諸父受他姓聘謀奪其志參娘聞自縊死
郭氏泰和人蕭子綱妻年二十夫亡守節景泰間旌表
郭氏萬安人周文精妻適周十年不育遂爲夫娶妾羅氏
生子賢挺甫四歲而文精卒未幾羅亦卒郭撫遺孤守節
年八十四而沒大司空朱衡銘其墓太僕羅良爲之傳
郭氏曾謨妻謨廬陵人登天順壬午鄉榜以癸未試院失
火歸而疾篤謂郭曰我志未就子孫必有續其業者可以

氏姓譜

卷百四十

十藥

郭氏

三五

我書授之言畢而卒郭年二十五苦志守節事姑教子年
百有二歲嘉靖十一年孫孔化既貴建坊旌表額曰節壽
郭氏名正順貴溪人盧孝孫妻侍郎郭元德女也嫺禮教
通詩書自少有志操願歸儒家因得適盧氏平居賓對贊
助居多孝孫編次四書集義叢藁如山郭博覽精究手鈔
類集功實半之其婦道母儀文章節操有兼盡者

郭氏鄱陽人王某妻同夫避亂被執郭給之曰釋吾夫吾
惟汝命夫既脫郭躍入水兵挽出終不從支解于提控汝
郭氏崇仁人李賢妻年十九歸賢家貧弗給郭紡績以資
日用賢病足伏牀者三年旦暮侍湯藥久而彌謹疾亟度
不能生走憩母氏曰夫垂亡幸相周濟言畢號泣而歸賢
卒棺歛畢乃大慟曰妾望夫以終其身夫亡無子妾將焉
托再醮固不敢聞脅逼何由自免遂潛經于後園鄉人驚

悼爲具棺槨合葬之事聞旌表

莫氏

卽幕氏省文漢有富人莫氏見游俠傳又河南官氏志
邢莫氏改爲莫氏望出江陵

歷代名賢

南北

莫含雁門繁峙人也家世貨殖貲累巨萬劉琨爲并州辟
含從事含居近塞下常往來國中魏穆帝愛其才器善待
之及爲代王備置官屬求含于琨琨遣入國含心不願琨
諭之曰當今胡寇滔天泯滅諸夏百姓流離死亡塗地主
上幽執沉溺醜虜惟此一州介在羣胡之間以吾薄德能
自存立者賴代王之力是以傾身竭實長子遠質覬滅殘
賊報雪大恥願爲忠節亦是奮義之時何得苟惜共事之

氏姓譜

卷百四十

十樂

莫氏

云

小誠以忘出身之大益入爲代王腹心非但吾願亦一州
所賴含乃入代參國官後現徙五縣之民于陘南含家獨
留含甚爲穆帝所重常參軍國大謀卒于左將軍關中侯
其故宅在桑乾川南世稱莫含壁或音訛謂之莫回城云
莫雲含孫也好學善射魏道武時常典選曹轉給事中以
功賜爵安德侯遷執金吾常參軍國謀議太武之剋赫連
昌詔雲與常山王素留鎮統萬進爵安定公加平西將軍
後遷鎮西大將軍時初并河西人心未一雲撫慰新舊皆
得其所神麤中卒諡曰敬公

唐

莫宣卿開建縣人大中閒進士第一今縣之金鏤村有莫
狀元讀書堂及片玉亭

宋

莫諒本仁和人宋建炎初避地崇德晚入仕歷明福二州
幕官蒞政行已俱有可觀子五人元忠若晦似之若拙若
冲俱登科時比燕山五竇

莫將字少虛分寧人以父援任子歷仕縣令有聲紹興間
除太府丞使金還除工部尚書充京西宣諭使以敷文閣
學士知明州改知廣州將在朝以學問自結主知握節出
疆尤熟敵人情偽孟太后鑿與南返將之力居多贈端明
殿學士

莫光朝崇德人博學強記下筆數百言尤好爲詩識者謂
其得意處不在唐人下舉進士知江寧以撫字稱

莫君陳歸安人少從安定胡瑗學嘉祐間登第御家嚴整
如官府子砥知永嘉民立生祠孫伯虛知常州有甘露嘉
禾之瑞

氏姓譜

卷百四十

十藥

莫氏

二七

莫濛君陳曾孫兩魁法科累官大理評事理獄多得其情
後遷直寶文閣學士假工部尚書使金賀正旦錫宴濛以
本朝忌日不肯簪花聽樂金人不能奪

莫汲湖州人紹興間爲國子監正自號月河宰相秦檜惡
其張主善類謫化州郡士之秀者多從之學

元

莫月鼎歸安人名起發幼習舉子業三試有司不利乃着
道士服更號月鼎入青城山見徐無極授五雷法用是召
雷破鬼魅動無不驗雖嬉笑怒罵皆若有神物從之者衆
元世祖遣御史中丞崔彧求異人于江南得之賞賚優厚
卒年六十九歲明學士朱濂爲之傳

明

莫愚臨桂人由鄉舉以郎中出知常州奏請減宜興歲進

母沒哀毀骨立既塋終身廬墓有冬笋瑞竹之祥人謂純孝之徵云

莫遺賢字賓廷平樂人由貢生官武緣教諭課士修學籍籍有聲擢知上海縣以母年八十有九未任歸養治易授後學士多賴之入于皆成名卒祀鄉賢

莫潛桂林貢生正德中知臨武縣邑自天順間築土城歲久漸圯自已酉至辛未間獠再寇城下城幾危潛始甃石塹土爲久遠計民不勞而城葺

莫如忠字子良華亭人嘉靖十七年進士官浙江布政使潔修自好夏言死經紀其喪善草書詩文有體要子是龍莫是龍字雲卿後以字行更字廷韓十歲能文十四補郡博士弟子員工古文詞書翰畫一時名流無敢衡視學使者高其各行不次貢于庭時宰有欲以翰苑處之者雲卿

氏姓譜

卷百四十

十藥

莫氏

元

意不屑就也司寇王世貞司馬汪道昆諸人咸推重之書畫之名海內寶重

莫可及宜興人爲長沙府照磨攝寧鄉縣事城破死焉二子若鼎若鉅號勵奔赴亦遇害

歷代列女

莫氏名筌恭城人周渭妻賢婦人也劉鋹時渭避難北走不暇與筌訣二子孩幼筌尙少父母欲嫁之筌泣誓曰渭必能自奮於是親蠶績碓舂以給朝夕二子婚娶凡二十六年太平興國初復見渭時人異之朱昂著莫節婦傳紀其事

莫氏喻應麟妻也年二十五其夫亡家貧苦節以孝經口授其子泰徵年八十里中欲以節舉莫氏堅辭

莫氏餘姚人胡宗偁妻通經學年踰三十擇配未嫁聞宗

伋賢許嫁之姑有疾焚臂所代鄉人爲作孝婦祠

莫氏東洋周宣妻年二十而寡潛摘其髮人呼爲禿頭婆

正統聞縣以上聞

莫氏劉源澄妻邵陽人獻賊之亂源澄以邑諸生奉檄督

鄉圍復城不克死之氏聞叫呼數日夜極至大慟而絕人

謂夫義婦烈云

駱氏

姜姓齊太公之後有公子駱子孫以名爲氏又地駱拔

氏改爲駱氏望出河南會稽

歷代名賢

漢

駱俊字孝遠會稽烏傷人也有文武才幹少爲郡吏察孝

廉補尚書郎擢拜陳相值袁術僭號兄弟忿爭天下鼎沸

氏姓譜

卷百四十

十藥

駱氏

三

羣賊並起陳與北界奸慝四布俊厲威武保疆境賊不敢

犯養濟百姓災害不生歲獲豐稔後術軍家飢困就俊求

糧俊疾惡術初不應答術怒密使人殺俊一郡吏人哀號

如喪父母

國

駱統字公緒俊子也母改適爲華歆小妻統時年入歲遂

與親客歸會稽其母送之拜辭上車面而不顧其母泣涕

于後御者曰夫人猶在也統曰不欲增母思故不顧耳事

適母甚謹時飢荒鄉里及遠方客多有困乏統爲之飲食

衰少其姊仁愛有行寡居無子見統甚哀之數問其故統

曰士大夫糟糠不足我何心獨飽姊曰誠如是何不告我

而自苦若此乃自以私粟與統又以告母母亦賢之遂使

分施由是顯名孫權以將軍領會稽太守統年二十試爲

烏程相民戶過萬咸歎其惠理權嘉之召爲功曹行騎都尉妻以從兄輔女統志在補察苟所聞見夕不待旦常勸權以尊賢接士勤求損益饗賜之日可人人別進問其燥濕加以密意誘諭使言察其志趣令皆感恩戴義懷欲報之心權納用焉出爲建忠郎將領武射吏三千人及凌統死復領其兵是時徵役繁數重以疫癘民戶損耗統上疏曰臣聞君國者以據疆土爲強富制威福爲尊貴曜德義爲榮顯永世胤爲豐祚然財須民生強賴民力威恃民勢福由民殖德俟民茂義以民行六者旣備然後應天受祚保族宜邦今百姓虛竭嗷然愁擾則不榮業不榮業則致窮困致窮困則不樂生故口腹急則姦心動而搗叛多也又聞民間非居處小能自供生產兒子多不起養屯田貧兵亦多棄子天則生之而父母殺之旣懼于逆和氣

氏姓譜

卷百四十

十藥 駱氏

三

感動陰陽且惟殿下開基建國乃無窮之業也強鄰大敵非造次所滅疆場常守非期月之成而兵民滅耗後生不育非所以歷遠年致成功也夫國之有民猶水之有舟停則以安擾則以危愚而不可欺弱而不可勝是以聖王重焉禍福由之故與民消息觀時制政方今長吏親民之職惟以辨具爲能取過目前之急少復以恩惠爲治副稱殿下天覆之仁勤恤之德者官民政俗日以彫弊漸以陵遲勢不可久夫治疾及其未篤除患貴其未深願殿下少以萬機餘閑留神思省補復荒虛深圖遠計育殘餘之民阜人財之用參曜三光等崇天地臣統之大願足以死而不朽矣權感統言深加意焉以隨陸遜破蜀軍于宜都遷偏將軍黃武初曹仁攻濡須使別將常雕等襲中洲統與嚴圭共拒破之封新陽亭侯後爲濡須督數陳便宜前後書

數十上所言皆善尤以占募在民間長惡敗俗生離叛之心急宜絕置權與相反覆終遂行之年三十六黃武七年卒

南北

駱牙字旗門吳興臨安人也祖秘道梁安成王田曹參軍父裕鄱陽嗣王中兵參軍事牙年十二宗人有善相者云此郎容貌非常必將遠致梁太清末陳文帝嘗避地臨安牙母陵觀帝儀表知非常人賓待甚厚及帝為吳興太守引牙為將帥因從平杜龕張彪等每戰輒先鋒陷陣勇冠眾軍以功授直閣將軍太平二年以母憂去職文帝鎮會稽起為山陰令永定三年除安東府中兵參軍出鎮冶城尋從文帝拒王琳于南皖文帝即位授假節威虜將軍員外散騎常侍封常安縣侯邑五百戶尋為臨安令遷越州

氏姓譜

卷百四十

十藥

駱氏

三三

刺史餘並如故初牙母之卒也于時飢饉兵荒至是始塋詔贈牙母常安國太夫人諡曰恭遷牙為貞威將軍晉陵太守三年以平同迪之功遷冠軍將軍臨川內史太建三年授安遠將軍衡陽內史未拜徙桂陽太守八年還朝遷散騎常侍入直殿省十年授豐州刺史餘並如故至德二年卒時年七十五贈安遠將軍廣州刺史子義嗣

唐

駱賓王義烏人六歲善屬文尤妙五言詩常作帝京篇當時以為絕唱初為道王府典籤高宗時歷武功長安二簿上書武后數言政事下除臨海縣丞怏怏失志棄官而去徐敬業起兵署為府屬軍中筆札皆出其手傳檄天下數后之罪后得而讀之初但嘻笑至一杯之土未乾六尺之孤安在瞿然曰誰為之或以名對后曰宰相安得失此人

敗後亡命不知所終中宗詔求其文有充州人郝雲卿集
爲十卷盛傳于世

駱世華珍州人大觀間與駱文貴等以其地內附授爲奉
訓大夫內殿崇班使忠國愛民久而弗替

明

駱之頃恭城人同母莫氏避難北流母爲兵所執之頃哀
懇放母兵露刃脅之再四不免母子俱罹害

駱問學諸暨人博極羣書發議必本忠孝嘗慨時藝委靡
每勸人讀古書士林重之

駱敏湖口人正統進士任湖廣僉事楚藩不法敏密疏上
聞遂掛冠歸後徵爲祭酒不起詔有司月給俸廩優異之
駱安南鄉人祖係羽林衛軍旗以功陞百戶歷千戶宏治

氏姓譜

卷百四十

十藥 駱氏

三

甲寅興獻王出朔南藩安在選護克稱其職每有任使多
稱上意陞錦衣衛指揮使掌印務奉詔獄一切遵行朝廷
憲典及情有可矜法有可疑必曲爲開譬務先允當以彌
成一代英明仁厚之治故眷注獨隆善保終始云

駱思恭安之後襲授錦衣萬歷已卯陞左都督西司房官
旗辦事掌衛事聲名赫奕一時無出其右

歷代列女

駱氏金鳳儀妻宜都人年二十鳳儀卒無嗣鄉人勸之以
力自到自是不敢言日勤紡績以養翁姑年六十有司核
實以聞旌表其門

駱氏王堯卿妻義烏人二十而寡恐父母移其志終不歸
寧及服闋忽夢舅姑昇以子覺而怪之其妣戲曰豈蓄他
志邪氏矢天以明之妣乃志其時日及期妣果得子氏育

之以爲嗣

駱氏庄員李正開妻漢川人左兵掠鄉合家奔竄氏陷賊衆持刀逼之引頸受戮罵不絕口而死

原氏婦姓周氏遂昌人駱佛善妻也秉性貞潔不妄言動丁亥大兵勦寇氏爲所掠挾坐馬上行五里至三墩橋有崖墜下臨深澗斧石削立飛投而殞

雜氏

古今人表舜友雜陶之後

歷代名賢

雜道人不知何許人嘗游洛郊遇異人得秘訣預知休咎劉延慶敬重之靖康二年春忽大哭于市別鄰里去及汴梁陷二帝北狩乃哭之日也

氏姓譜

卷百四十

十藥

雜氏

三

雜遵涇陽人官吏科都給事中神宗初卽位馮保竊權帝御殿保輒侍側遵言保一侍從之僕乃敢立天子寶座文武羣工拜天子邪擲拜中官邪欺陛下勿冲無禮至此遵乃大學士高拱門生保疑遵受拱指遂謀逐拱遵疏留中尋劾兵部尙書譚綸因薦海瑞吏部尙書楊博稱綸才詆瑞迂滯疏遂寢頃之綸陪祀日壇咳不止御史景嵩韓必顯劾綸衰病張居正素善綸而馮保欲緣是爲遵罪因傳旨以詰嵩必顯欲用何人代綸令會遵推舉遵等惶懼不敢承俱貶三秩調外遵得浙江布政司照磨保敗屢遷光祿卿改右僉都御史巡撫四川罷歸卒
雜于仁字少涇遵子也舉萬曆十一年進士歷知肥鄉清豐二縣有惠政十七年入爲大理寺評事疏獻四箴以諫

酒箴曰耽彼麴蘖斯夕不輟心志內情威儀外缺神禹疏
狄夏治興隆進藥陛下醲醑勿崇色箴曰豔彼妖姬寢興
在側啟寵納侮爭妍誤國成湯不邇亨有遐壽進藥陛下
內嬖勿厚財箴曰競彼鏐鏐錙銖必盡公帑稱盈私家懸
罄武散鹿臺八百歸心隋楊剝利天命難謀進藥陛下貨
賄勿侵氣箴曰逞彼忿怒恣睢任情法尙操切政盪公平
虞舜溫恭和以致祥秦皇暴戾羣怨孔彰進藥陛下舊怨
勿藏疏人帝震怒會歲暮留其疏十日所云十俊蓋十小
闇也明年正旦召見閣臣申時行等于毓德宮手于仁疏
授之帝自辨甚悉將置之重典時行等委曲慰解見帝意
不可回乃曰此疏不可發外恐外人信以爲真願陛下曲
賜優容臣等卽傳諭寺卿令于仁去位可也帝乃領之居
數日子仁引疾遂斥爲民久之卒天啟初贈光祿少卿

氏姓譜

卷百四十

十藥

索氏

三五

索氏

桑國切商人七族索氏之後望出燉煌汝南

歷代名賢

晉

索靖字幼安燉煌人也累世官族父湛北地太守靖少有
逸羣之量與鄉人汜衷張胤索紘索永俱詣太學馳名海
內號稱燉煌五龍四人並早亡惟靖該博經史兼通內緯
州辟別駕郡舉賢良方正對策高第傳元張華與靖一面
皆厚與之相結拜駙馬都尉出爲西域戍已校尉長史太
子僕同郡張勃特表以靖才藝絕人宜在臺閣不宜遠出
邊塞武帝納之擢爲尙書卽與襄陽羅尙河南潘岳吳郡
顧榮同官咸器服焉靖與尙書令衛瓘俱以善草書知名
帝愛之瓘筆勝靖然有楷法遠不能及靖靖在臺積年除

雁門太守遷魯相又拜酒泉太守惠帝卽位賜爵關內侯靖有先識遠量知天下將亂指洛陽宮門銅駝歎曰會見汝在荆棘中耳元康中西戎反叛拜靖大將軍梁王彫左司馬加蕩寇將軍屯兵粟邑擊賊敗之遷始平內史及趙王倫篡位靖應三王義舉以左衛將軍討孫秀有功加散騎常侍遷後將軍太安末河間王顥舉兵向洛陽拜靖使持節監洛城諸軍事游擊將軍領雍秦涼義兵與賊戰大破之靖亦被傷而卒追贈太常時年六十五後又贈司空進封安樂亭侯諡曰莊靖著五行三統正驗論辯理陰陽氣運又撰索子晉詩各二十卷又作草書狀靖有五子鯁繼瑒聿緝皆舉秀才聿安昌鄉侯卒少子緝最知名

索襲字偉祖敦煌人也虛靖好學不應州郡之命舉孝廉賢良方正皆以疾辭游思陰陽之術著天文地理十餘篇

氏姓譜

卷百四十

十藥 索氏

三

多所啟發不與當世交通或獨語獨笑或長歎涕泣或請問不言張茂時敦煌太守陰澹奇而造焉經日忘反出而歎曰索先生碩德名儒真可以諮大義澹欲行鄉射之禮請襲爲三老曰今四表輯寧將行鄉射之禮先生年耆望重道冠一時養老之義實繫儒賢旣樹非梧桐而希鸞鳳降翼器謝曹公而冀蓋公枉駕誠非所謂也然夫子至聖有名赴焉孟軻大德無聘不至蓋欲宏闡大猷敷明道化故也今之相屈遵道崇教非有爵位意者或可然乎會病卒時年七十九澹素服會葬贈錢二萬澹曰世人之所餘者富貴也目之所好者五色也耳之所玩者五音也而先生棄衆人之所收收衆人所棄味無味于恍惚之際兼重元于衆妙之內宅不彌畝而志忽九州形居塵俗而棲心天外雖黔婁之高遠莊生之不願蔑以過也諡元居先生

索統字叔微敦煌人也少游京師受業太學博綜經籍遂
爲通儒明陰陽天文善術數占候司徒辟除郎中知中國
將亂避世歸鄉人就統占聞吉凶門中如市統曰攻乎異
端戒在害已無爲多事多事多患遂詭言虛說無驗乃止
惟以占夢爲無悔吝乃不逆問者孝廉令狐策夢立冰上
與冰下人語統曰冰上爲陽冰下爲陰陰陽事也士如歸
妻道冰未泮婚姻事也君在冰上與冰下人語爲陽語陰
媒介事也君當爲人作媒冰泮而婚成策曰老夫耄矣不
爲媒也會太守田豹因策爲子求鄉人張公徵女仲春而
成婚焉郡主簿張宅夢走馬上山還繞舍三周但見松栢
不知門處統曰馬屬離離爲火火禍也人上山爲凶字但
見松栢墓門象也不知門處爲無門也三周三替也後三
年必有火禍宅果以謀反伏誅索充初夢天上有二棺落
氏姓譜

卷百四十

十策

索氏

三七

充前統曰棺者職也當有京師貴人舉君二官者頻再遷
俄而司徒王戎書屬太守使舉充太守先署充功曹而舉
孝廉充後夢一虜脫上衣來詣充統曰虜去上中下半男
字夷狄陰類君婦當生男終如其言宋極夢內中有一人
着赤衣握手把兩杖極打之統曰內中有人肉字也肉色
赤也兩杖箸象也極打之飽肉食也俄而亦驗焉黃平問
統曰我昨夜夢舍中馬舞數十人向馬拍手此何祥也統
曰馬者火也舞爲火起向馬拍手救火人也平未歸而火
作索綬夢東有二角書詣綬大角朽敗腐棺木小角有題韋囊角
佩一在前一在後統曰大角朽敗腐棺木小角有題韋囊
詣一在前一在後統曰大角朽敗腐棺木小角有題韋囊
在東居三日而凶問至郡功曹張邈嘗奉使詣州夜夢狼
啖一脚統曰脚肉被啖爲却字會東虜反遂不行凡所占

莫不驗太守陰澹從求占書統曰昔入太學因一父老爲主人其人無所不知又匿姓名有似隱者統因從父老問占夢之術審測而說實無書也澹命爲西閣祭酒統辭曰少無山林之操游學京師交結時賢希申鄙藝會中國不靖欲養志終年老亦至矣不求聞達又少不習勤勞無吏幹濛汜之年弗敢聞命澹以束帛禮之月致羊酒年七十卒于家

索泮字德林敦煌人也世爲冠族泮少時游俠及長變節好學有佐世才器張天錫輔政以泮爲冠軍記室參軍天錫卽位拜司兵歷位禁中錄事執法御掾州府肅然郡縣改迹遷羽林左監有勤幹之稱出爲中壘將軍西郡武威太守典戎校尉政務寬和戎夏懷其惠天錫甚敬之苻堅見而歎曰涼州信多君子旣而以泮河西德望拜別駕呂

氏姓譜

卷百四十

十藥

索氏

三

光旣克姑臧泮固郡不降光攻而獲之光曰孤旣平西域將赴難京師梁熙無狀絕孤歸路此朝廷之罪人卿何意阻郡固迷自同元惡泮厲色責光曰將軍受詔討叛胡可受詔亂涼州邪寡君何罪而將軍害之泮但苦力寡不能固守以報君父之仇豈如逆氏彭濟望風反叛主滅臣死禮之常也乃就刑于市神色不變弟菱有雋才仕張天錫爲執法中郎兀從右監苻堅世至伏波將軍典農都尉與泮俱被害

南北

索敞字巨振敦煌人爲劉昞助教專心經籍盡能傳昞之業涼州平入魏以儒學見拔爲中書博士篤勤訓授肅而有禮京師大族貴游之子皆敬憚威嚴多所成益前後顯達位至尙書牧守者數十人皆受業于敞敞遂講授十餘

年敵以喪服散在衆篇遂撰比爲喪服要記後出補扶風
太守在位清貧未幾卒官時舊同學生爲請諡詔贈平南
將軍涼州刺史諡曰獻

宋

索湘字巨川滄州鹽山人登開寶進士調鄆州司理參軍
受詔鞫齊州大獄連逮千五百人事隨以白太平與國四
年和峴薦其能累遷監察御史命與戶部推官元玘按行
河決民田改河北運副經度供餽以能幹聞加屯田員外
郎會君子館敗契丹乘勝據中渡橋塞土門將趣鎮州諸
將計議未定湘爲田重進畫謀結大陣東行聲言會高陽
關敵果擁衆邀于平鹵城我師乘夜而南入鎮陽據唐河
乘其無備破砦柵敵兵遁走雍熙中召爲鹽鐵判官改駕
部員外端拱二年陞虞部郎中河北轉運使有訟其擅易

氏姓譜

卷百四十

十藥

索氏

三九

運絲自用者責授膳部員外知相州會羣盜白晝抄劫湘
擇精銳三百掩擊盡禽之運使王嗣宗狀聞詔復舊官爲
河東轉運使遷忻州推官石宗道憲州錄事胡則爲幹職
自隨所至州郡勾檢其簿領明年大將王超等率師趣烏
白池抵無定河水源涸絕軍士渴乏湘命輦大鍬千枝隨
令鑿井衆賴以濟真宗卽位入爲右諫議大夫復充河北
轉運使奏罷郡民歲釀并靖戎威武二軍鬻茶及北砦山
麓銀冶德州舊賦民馬給驛又役民爲步遞湘至悉代以
官馬兵卒人皆便之疏言榷場易雜姦僞恐起邊釁又新
樂蒲陰兩縣地窄非屯兵之所皆奏罷之湘長于吏事所
歷邊郡必廣儲畜爲備豫計出入軍旅頗著能名建議茶
茗與蕃夸互市道遠多損許商賈緣江載詣邊郡旣免道
途之耗復有征算之益咸平二年大爲戶部使受計詳定

三司編敕坐與王扶交相請托擅易版籍責授將作少監
後復知廣州卒其子希顏護喪歸葬

索彥勝漢武初樂昌知縣時縣無城池百姓散去山林彥
勝築城開池均賦役招流移民爲立政績碑

歷代列女

索氏邳州人展潛妻也年十九其夫病劇索知其必不可
生遂先自縊死嘉靖十三年事聞旌表

氏姓譜

卷百四十

十藥 索氏

四

氏姓譜卷百四十終

